





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1044 4° copy 3








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1044 4° copy 3





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1044 4° copy 3



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1044 4° copy 3



35-180

40



DA Box

LN 1044


ex. 3




Kay Haegs abs.

L. N. 1044. Paulli 191.











ORATIO  
DE VITA ET MORTE  
SERENISSIMI PRINCIPIS  
AC DOMINI, D. FRIDERICI II. INCLYTÆ  
memoria Regis Dania, Norvegia, Vandalorum & Gotho-  
rum: Ducis Slesuicensis, Holsatia, Stormaria, Dithmarsia,  
atq; Comitis Altenburgensis & Delmenhorst: habita  
in funere ipsius, Roschildia in sum-  
mo templo, Nonis Iunij,

Anna

M. D. LXXXVIII.

ab

ANDREA LAVRENTIO  
in Acad: Hafniensi Profes-  
sore.



Prouerb. XXVII.

Propter delicta terræ sæpè mutantur  
principes.

HAFNIÆ,  
IMPRESSIT LAVRENTIVS  
BENEDICTVS.

M. D. LXXXVIII.



Psalm. 102.

Colliguntur populi in vnum & Reges,  
vt seruiant Domino.

Esaie. 49.

Et erunt Reges nutritij tui & Regina  
nutrices tue.

Sapient. 1.

Diligite iusticiam, qui iudicatis terram,  
**QVERITE Deum.**



Kay Høegs Samling  
1970.



SERENISSIMO PRINCIPI, AC  
DOMINO, DR. CHRISTIANO IV. DANIAE,  
NORVEGIAEQUE REGI DESIGNATO, DVCI HOL-  
STIAE &C. DOMINO SVO CLEMENTISSIMO,  
SALUTEM ET FELICITA-

TEM.



OGITANTI MIHI ILLVSTRIS-  
sime Princeps, Domine clementissime,  
num Orationem, quam in funere Sere-  
nissimi Principis, & inclytæ memoriæ  
Regis & Domini D. FRIDERICI II. patris T. C.  
laudatissimi, habui, prelo subijcerem, nec ne, multa,  
vt fit, occurrebant quæ animi dubium me redde-  
rent. Nam ab eius editione, deterrebar cū ora-  
tionis tenuitate, qua tanti Regis laudes deteri &  
obscurari potius, quàm aperiri & illustrari, videri  
possent; tum etiam erudita doctrina & eloquentia  
eorum, qui me, certis de causis cunctanter agens  
tem, in laudando Rege FRIDERICO præuerter-  
runt. Contra verò, vt eam publici iuris facerem,  
moueabant me ingentia illa beneficia, quibus nos  
omnes, ab optimo Rege munificentissimè affecti  
sumus. Huc accessit magnorum virorum autho-  
ritas, qui suaserunt, vt multorum de me conceptæ  
expectationi responderem, testatumq; facerem,  
FRIDERICI Regis memoriam, debita obseruan-  
tia & gratitudine à me conseruari. Quibus ratio-  
nibus inter se comparatis, videbam mihi potius de  
opinionem ingenij & doctrinæ, quæ quàm in me me-  
diocria sunt intelligo optimè, periclitandum, quàm  
neglecti officij & ingratitude notam subeundam.

A 2

Permitte



Permitto itaq; hanc qualemuncq; lucrubationis  
culam, in hominum manus venire, qui si candorem  
in iudicando adhibuerint, erit de quo mihi gratuler:  
sin verò secus euenerit, id quoq; æquo animo ferens  
dum. Scio enim neminem in scribendo ita circum  
spectè egisse, vt omnium censuræ satisfecerit.

T. verò Cels. hanc orationem nuncupandam  
existimabam, vt aliquod meæ erga T. C. obseruan  
tiæ testimonium extaret: quam grati animi & sub  
iecti studiij significationem, vt sibi placere velit, qua  
par est submissione, peto.

DEVM oro, vt qui Illustrem T. C. heroicis  
animi & corporis dotibus ornauit, is quoq; eandem  
diu florentem & incolumem conseruet, faciatq; vt  
ætate atq; iudicio maturescente, ad auitorum regno  
rum gubernaculum admotus, exemplum generos  
sissimi patris, cuius imaginem quandam hoc libello  
adumbrare volebam, secutus, Remp. piè, iustè, pru  
denter & moderatè administres. Quod votum,  
vt DEVS propter Filium exaudiat, ipsum precor  
ex animo, eiusq; prouidentiae & bonitati Illustrem  
T. C. commendo. Hafniæ Anno 1588.

*Illustriss: T. C.*

*obseruantissimus*

*Andreas Laurentius*

*P. H.*

ORATIO



ORATIO DE D. FRIDE-  
RICO II. R. D. &c.



**S**I POST HOMINUM MEMO-  
riam Genti Danicæ publici luctus  
& mæroris iusta vnquam causa fu-  
it; est ea vel in primis hodierno die  
iustissima. Orbati enim sumus alie-  
nissimo Ecclesiæ & Reipub. tempore  
laudatissimæ memoriæ Principe atq; Rege, D. FR-  
DERICO II. sub cuius moderato & iusto Imperio  
beatè viximus, & Ecclesiæ Christi læta quedam  
halcyonia, iam annis multis, in his Arctois Regnis  
erant. Qua felicitate quàm diu nobis frui liceat,  
incertum. Nam quanta periculorum procella no-  
bis imminet, ex magnis illis successibus perduellium  
Christi, & vicinorum regnorum miserijs, quæ lon-  
gè maximæ sunt, facile ab attentis poterit animad-  
uerti. Quæ pericula omnia D. FRIDERICVS,  
si Deo ita visum fuisset, à nostris capitibus, quæ ip-  
sius erat virtus heroica & amor Reipub. facile auer-  
tere potuisset. Meritò itaq; dolemus, lugemus, la-  
mentamur, tanto Rege, qui verè fuit nutritor Ec-  
clesiæ, pater patriæ, asylum & arx oppressorum,  
columen horum regnorum & ditionum amplissima-  
rum, orbati atq; destituti.



Syrach. 22.  
1. Theß: 4.

Hæc etsi hunc in modum se habent; nequaquam tamen dolori indulgendum, & luctu hoc acerbo contabescendum. Vt enim Deus vult, funera cum aliorum, tum etiam pii & salutaris Magistratus, qui in terris Dei vicem gessit, defleri: ita moderationem quandam affectuum & doloris à nobis requirit: ne ipsius voluntati, quæ non potest non optima esse, stultè reluctari, & quasi fronte aduersa repugnare velle videamur. Quin potius agnoscentes Dei iudicium, veram erga Regem optimum beneuolentiam & gratitudinem declaremus. Quod fiet, si ipsius heroicæ virtutes & beneficia illa ingentia, quæ Deus nobis per illum præstuit, veris laudibus extulerimus, Deoq; Optimo Max: mæstissimæ Regiæ familiæ, horum Regnorum & omnium nostrum salutem serio commendauerimus. Id enim, memoriæ & meritis laudatissimi Regis debemus omnes.

Quod cum ego & priuatim meo & publicè omnium nomine facere sim iussus: breui commemoratione capita quædam Historiæ vitæ & obitus ipsius, ut potero, complectar, in qua primum de ijs, quæ mortem felicissimæ recordationis D. CHRISTIANI III. Regum omnium sui seculi laudatissimi, præcesserunt, dicam: deinde, quæ ille post obitum patris sui præstantissimi, domi & foris, priuatim & publicè laudabiliter gessit, vsq; ad illum diem,



em, quo in his terris esse desuit, summa rerum secu-  
tus fastigia, perstringam & delibabo. Nam in-  
tegram historiam pertexere non est huius loci, neq;  
instituti mei, ac ne quidem virium mearum, quæ  
quàm ad hoc postremum pietatis officium tanto Regi  
præstandum imbecilles sint, minimè ignoro. Deum  
itaq; precor, ut ille huic Orationi meæ sic moderetur,  
ut quæ ipsi grata esse queant, faciantq; ad veris lau-  
dibus optimum Regem exornandum, à me proferan-  
tur: à vobis verò Illustrissimi Principes, illustres  
& generosi legati, Amplissimi Regni & Ducatum  
Senatores, tota corona nobilissimorum, doctissimo-  
rumq; Virorum, & quotquot hodierno die ad Regi  
FRIDERICO iusta facienda convenistis: qua pos-  
sum ac debeo, submissione animi peto: ut me loci hu-  
ius insolentia & cogitatione de virium mearum im-  
becillitate, pauitantem, ut cernitis, Vestræ beneuo-  
lentia atq; æquitatis aura recreare dignemini. Eni-  
tar quantum potero, ut præcipuarum laudum menti-  
one saltem facta, nullam falsam ipsi affinxisse vi-  
dear.

**N**atus est D. FRIDERICVS in Arce oppidi Ortus D.  
FRIDERICI.  
Cimbricæ Chersonesi Haterслеuij, Anno Christi  
1534. Kalendis Iulij. Quo tempore perturbatis-  
simus fuit Danicæ Reipub. status. Pater ipsi fuit  
Illustrissimus Princeps D. CRISTIANVS Holsa. Parentes.  
tie



tia Dux, qui Rex factus, deinceps CHRISTIA-  
NVS III. est appellatus. Matrem habuit D.  
DOROTHEAM, Illustrissimi Principis Magni  
Saxoniae inferioris, Angriae & Vestphaliae Ducis  
filiam. Vtriusq; parentis CHRISTIANI & DO-  
ROTHEAE prosapia nobilissima & generosissima.

Paternum  
genus.

Altenburgensium enim Comitum Illustris fa-  
milia originem suam, vt accepimus, ducit à Viti-  
kindo illo Magno, Saxonum Rege, atq; Angriua-  
riorum Duce potentissimo, qui ante annos octingen-  
tos & amplius, cum Carolo Magno, Francorum Re-  
ge, eiusq; nominis primo Imperatore Germano, bel-  
lum diuturnum ac in primis difficile gessit. Ab hoc

Vitikingus  
Baptizatus  
Barouici An-  
no Christi,  
785.

Vitikingo, vt & aliarum illustrissimarum in orbe  
Christiano familiarum: ita quoq; Comitum Alten-  
burgensium, stirps, longa serie propagata est, vsq; ad  
Christianum, Theodorici, qui Fortis fuit appellatus,  
& Hedwigis filiae Gerardi Holsatiae Comitis, quae  
antea Baltazaro Megapolitano Duci nupserat, fili-  
um, qui primus in hanc gentem & familiam, Regi-  
um, axioma intulit: à quo D. FRIDERICVS II.  
sextus Rex descendit.

Affinitas VI.  
Reg: cum  
aliis Principi-  
bus.

Splendorem huius familiae regiae auget etiam  
affinitatis cum nobilissimis & praestantissimis orbis  
Christiani principibus coniunctio. Christiano enim  
I. Dorothea Iohannis Ducis Voilandiae principis  
optimi



optimi filia, & Christophori III. Regis Danie Vi-  
dua nupsit: Iohanni eorum filio Christina Ernesti se-  
ptemviri Imperij R. & Ducis Saxonie filia vxor  
fuit: Christianus II. cum Isabella, quam nos Eli-  
zabetham vocamus, Philippi Hispaniarum R. fi-  
lia Impp: Romanorum Caroli V. & Ferdinan-  
di sorore matrimonium iniit: Friderici I. prior  
vxor fuit Anna Iohannis Magni Electoris Bran-  
deburgici filia: Posterior verò Sophia Bugislai  
Pomeranie Ducis filia. Quæ familie etiam hoc  
tempore in tota Europa sunt nobilissimæ.

Ducum etiam Saxonie inferioris illustris D. 'D. Lau-  
& perantiqua familia est. Nam Septemviratus di- burg: nobi-  
gnitas, qui in Imperio Romano, Regie penè est litas & gene-  
rositas,  
par, vel paulò inferior, in ea plus minus 200.  
annis permansit. Tot enim anni ferè interiecti  
fuère inter Bernhardum primum, & Albertum  
tertium, qui postremus in illa familia Septemvira-  
tum gessit.

Ab his tam Illustribus & inclytis maioribus  
& parentibus satum D. FRIDERICVM II. ma-  
gnum decus est: Sed longè maius censendum,  
quod maiores suos Virtutibus, quod rarum est, æqua-  
rit, vel etiam superarit, quod rarissimum: tantum  
abfuit, vt ab ipsis, quod dedecus & labes familie  
est, degenerarit.

B

Puer



Institutio in  
literis.

Puer tingendus, imbuendusq; doctrina pietatis, literis & bonis moribus præceptori traditus fuit. Intellexit enim CHRISTIANVS Rex III. in illis, quæ dixi, cum ad vitæ priuatæ, tum etiam Regiæ cursum rectè tenendum, momenti plurimum inesse. Meminerat etiam, quidnam Christiano Primo, auctore suo, Romæ, quò Religionis ergò, vt mos erat illorum temporum, abierat, cum absq; interprete cum Sixto Pontifice R. colloqui non posset, acciderit.

Anno Christi, 1474.  
Socij Studiorum.

Studiorum socij, vt in Principum institutione mos obtinet, fuere FRIDERICVS patruus ipsius, Holsatiæ Dux, aliq; honesto & nobili loco nati. Quos postea, in omni vita, FRIDERICVS Rex in intimis habuit: honoribusq; & præmijs ipsorum virtutibus dignis, affecit. Ingenij mira celeritate, atq; memoriæ vi penè diuina, cuiusmodi heroicis naturis inesse solet, præditus fuit. Ideoq; cum adoleuisset, ingentem ex eo, quòd maiores progressus puer in literis discendis non fecisset, dolorem cœpit; de quo ipsius querelæ, non sine animi quadam commotione à multis non rarò, sunt auditæ.

Designatur  
Rex A. Christi, 1542.

Cum annum ætatis octauum ingressus esset, placuit sapientissimis Regni magnatibus, penes quos à priscis seculis, Regni D. Maiestas, & Diadema est, Regem ipsum designari; qui aliquando CHRISTIANO patri, in Reipub. gubernatione, succederet.



succederet. Quod quidem ut facerent, moti fuere,  
Christiani patris in Rempub. meritis longè maxi-  
mis: generosa indole atq. naturæ bonitate FRIDE-  
RICI filij, & tristissimis illis motibus, quibus, post  
mortem Friderici primi, nullo Rege designato, res  
Danicæ, nisi DEVS, more suo, nobis affuisset,  
pessum iuissent.

His alijsq. grauissimis causis moti Regni pro-  
ceres amplissimi, FRIDERICVM Regem designant.  
Qui fidelitatis debitæq. subiectionis sacramento, ab  
incolis horum regnorum accepto, ad inchoata litera-  
rum studia continuanda reuertit, ex quibus magni  
fructus sunt percepti. Nam illa doctrinæ cælestis  
initia, quæ puer didicit, postea magnis incrementis  
aucta, tenaciter animo ipsius, vsq. ad vitæ metam  
inhæserunt. Adeo multum est, optimis rebus à primis  
annis assuescendi, & quasi innutriti: huc accessit mo-  
rificationis erga parentes optimos, obseruantia,  
quos ille, ut decebat, coluit: cupiditatum moderatio.  
quæ quàm difficilis sit, in ijs præsertim, quibus po-  
tentia & aulæ splendor oculos perstrinxerit, scimus:  
præparatio deniq. ad rectam & felicem Reipub. gu-  
bernationem quæ præcipuè sita est in veri Dei puro  
cultu: erga parentes & eos qui parentum loco libe-  
ris à Deo præficiuntur, reuerentia. Nemo enim rectè  
vnq. imperarit, nisi qui aliquando parere didicerit.

Fructus ex  
prima insti-  
tutione perce-  
pti.



Anno Chri-  
sti 1534.  
Primæ ado-  
lescentiæ stu-  
dia.

Opinio sa-  
pientum ho-  
minum de fu-  
tura Guber-  
natione F. R.

Cum verò ad annos pubertatis peruenisset,  
Magistro & præceptore, cui in discendis literis  
operam annis aliquot dedisset, honorificè dimisso:  
Aulæ sedem in Scania, regione soli vbertate, atq;  
amœnitate paucis comparanda, habuit; vbi ad bellî  
& pacis artes, ad studia certaminum equestrium,  
aliq; militaria exercitia, in quibus excelluit, assue-  
faciendus esset. Quo quidem tempore pater ipsi ad-  
iunxit viros aliquot nobilitate generis, Sapientia,  
Fortitudine, iustitia & id genus virtutibus præ-  
stantes, quorum in numero fuere D. Hilarius Har-  
denberg. D. Hilarius Rönnow, Ericus Rosen-  
krantz & alij: vt eorum consilijs in tractatione  
publicarum negotiorum vteretur. In quibus Chri-  
stiano Patri & Regni Proceribus fidem suam,  
iusticiam, prudentiam, moderationem, aliasq; vir-  
tutes, quibus hominum fauor, & beneuolentia gu-  
bernatoribus conciliatur, ita probauit, vt omnes  
magnam spem conceperint, fore illum aliquandò,  
optimi & moderatissimi patris similitimum Regem.  
Quod profectò ab ipsis haud temerè factum. Vt  
enim ex floribus, cuiusmodi fructus arbores sint pro-  
ducturæ, coniecturam facere licebit: ita plerumq; ex  
florescentis ætatis moribus atq; vita quidnam de ma-  
turescence sperandum sit, non difficile fuerit animad-  
vertere.

Pere,



Peregrinationibus, sapientiam, prudentiam  
 & morum suavitatem, si rectè instituantur, acqui-  
 ri, norat optimus CHRISTIANVS III. suomet ip-  
 sius experimento id edoctus. Ioachimum enim I.  
 Electorem Brandenburgicum, anunculum suum se- Anno 1521.  
 cutus, Vormaciam accessit: Vbi Carolus Quintus  
 Imp. Anno ipsius inaugurationem proximè sequen-  
 te prima Imperij comitia habuit. In quibus electum  
 illud Organon DEI, D. Martinus Lutherus, ad D. Martinus  
 tribunal Caesaris, coram toto Imperio omnium eo-  
 rum, quæ annos octo, magno cum successu doctrinæ Lutherus, si-  
 stit se coram  
 toto Imperio.  
 Euangelij, & ruina Pontificij regni, scripserat &  
 docuerat, rationem, reddidit: atq; præter multo-  
 rum expectationem, in vera sententia constans per-  
 mansit: nullius hominis, ac ne quidem Diaboli mi-  
 nas aut potentiam formidans. Qua ipsius inuicti  
 animi magnitudine mirificè confirmatur Christi-  
 anus Princeps, quemadmodum postea declarauit.

Misit itaq; Rex CHRISTIANVS Principem  
 filium ad Augustum, Imperij R. Septemuirum, &  
 Saxoniae Ducem generum suum: addito ipsi regio  
 & splendido comitatu, qui cum Francofurtum pro- D. Fridericus  
 fectus, tanq̃ in humanæ vitæ theatrum quoddam venit Fran-  
 prodiens, vidit ritus & ceremonias quibus Ferdi-  
 nandus Imperio R. inauguratus fuit: vidit orbis  
 Christiani præcipuos principes & gubernatores,

B 3

quo



quorum plerique ipsi vel consanguinitate, vel affinitate iuncti fuere.

Ferdinandi  
Imp. humanitas.

Ferdinandi Imperatoris ea fuit humanitas, ut FRIDERICVM Principem cognatum & propinquum suum amantissime complexus, monuerit: Ut laudatissimi patris vestigijs insistens, amplissima Regna, sibi iam tum desponsa, quemadmodum Principem tam Illustribus maioribus & parentibus satum deceret, aliquando moderaretur. Iusseritque suis verbis salutare CHRISTIANVM patrem, cui multis Principibus, alijsque splendidissimo & nobilissimo loco natis audientibus, hanc laudem tribuit.

Carolo V.  
Imp. Spiræ  
fuit reconciliatus,  
Christianus III. Anno  
Christi,  
1544.

Neminem Principum omnium, qui ex hostibus & inimicis, socij & amici facti fuissent: Carolo V. fratri & sibi tam liberaliter & Regiæ fidem datam servasse, atque Christianus Rex fecisset. Quod FRIDERICVS Princeps, Imperatori pro hac paternæ monitione, atque tam honorifico de patre testimonio, actis gratijs, se fretum Deo ope atque auxilio facturum, recepit.

Frankofurto discedens, redit in Saxoniam cum Augusto Electore Sororio suo, à quo Vitebergæ, ut & in alijs ditionum ipsius locis omnibus, humanissime exceptus, in convivio, ad quod aliquot ex Professoribus Inlytæ illius Academiæ invitati fuerant, & in ijs, D. Philippus Melanthon, vir excellentis in

Cum D. Philippo Melan-



tis ingenij: pietate eximia atq; doctrina præditus, <sup>thone, collo-</sup>  
& bonis omnibus, ob vitæ innocentiam & sin- <sup>quitur.</sup>  
gularem pietatem charus: Quem honorificè ha-  
buit D. FRIDERICVS & postea omni vita  
multis beneficijs affecit. Nam ipsi, vt & alijs  
illius Academiæ atq; aliarum professoribus, quorum  
in numero est etiam Iohannes ille Sturmius, de reli- <sup>Munificen-</sup>  
teraria præclare meritis, quotannis honorarium mi- <sup>tia in doctos,</sup>  
sit. Singulari enim beneuolentia doctos omnes cu-  
iusvis gentis & nationis (de pijs loquor) est com-  
plexus. Quod omnes illi, vt de alijs nihil dicam,  
qui eruditæ doctrinæ & ingenij sui monumenta ali-  
qua ipsi inscripsere, quos omnes munificè remunera-  
tus est, testabuntur.

In Daniam tandem reuersus, CHRISTIANO <sup>Redit in</sup>  
Patri tum temporis ægotanti, quæ viderat & au- <sup>Daniam F.</sup>  
dierat in conuentu illo Francofurtensi & aulis Prin-  
cipum, Henrici Ducis Brunsvicensis: Philippi  
Hassæ Lantgrauij, & aliorum ad quos in reditu  
diuerterat, disertè & magna cum suauitate sermonis, <sup>Eloquentia</sup>  
qua, vt alijs quoq; DEI eximijs donis excelluit, com- <sup>F. R. II.</sup>  
memorat. Quibus, optimus pater, veluti reuiuif-  
cens omnibus, ac in primis narratione illa de Ferdi-  
nando Imperatore, mirificè delectabatur.

Digressus à patre, iam tum iter in Cimbricam  
Chersonnesum, quod ipsi postremum erat, adora-  
nana



Mors Christi-  
stiani III.

nante, in Scaniam reuertit. Nam CHRISTI-  
ANVS Rex, vi grauissimi & diuturni morbi su-  
peratus, Kalendis Ianuarij ineuntis Anni 1559. in  
ardenti inuocatione filij DEI, quem vnicum Re-  
demptorem & Seruatorem suum constanter per om-  
nem vitam agnorat, ad cœlestis Ecclesiæ cætum &  
societatem fuit euocatus, relicto bonis omnibus sui  
incredibili desiderio.

Fridericus  
absuit, cum  
pater more-  
retur.

Auidè quidem cupierat laudatissimus Rex  
Principem filium priusquam sibi ex huius vitæ sta-  
tione decedendum foret, videre, atq; cum ipso de re-  
bus ad ipsius & horum Regnorum salutem perti-  
nentibus, colloqui: cuius tamen voti compos fieri  
non potuit. Nam inualecente vi morbi, prius-  
quam adueniret filius, expirarat Rex pater, Prin-  
cipum huius ætatis nostræ omnium laudatissimus;  
cuius memoria sit in æterna benedictione.

Vis oratio-  
nis parentum  
ad Liberos  
sub vitæ exi-  
tum.

Magnopere quidem optandum fuisset, san-  
ctissimi patris Cygnæam vocem à filio generoso au-  
ditam. Scimus enim, quàm altè in bonorum libero-  
rum animos ea descendere soleant, quæ à præstanti-  
bus virtute parentibus ad vitæ exitum vocatis,  
fiunt vel dicuntur. Aduenit tamen FRIDERI-  
CVS Princeps, mox à Charissimi patris obitu, se-  
rius quam volebat, aduersis ventis detentus. Quem  
ille cum vidua matre mœstissima, Illustrissimis &  
Cha.



Charissimis fratribus, Magno & Iohanne, sorore  
Dorothea totaq; Regia familia piè defleuit.

Ambrosius scribit Theodosium, cum corpore  
solueretur, magis de statu Ecclesiarum quàm de  
suis periculis anxium fuisse, Quod ipsum de CHRI-  
STIANO III. verè dici potest: Nam moriturus  
dere nulla magis sollicitus fuit, quàm ut puræ do-  
ctrinæ Euangelij possessio, & pax in his Regnis  
conseruaretur. Quam suam voluntatem per Illu-  
strissimam Reginam, & Magnificum Cancellari-  
um, Iohannem Frijs, virum nobilitate generis, sapi-  
entia, virtute & longo rerum usu præstantem filio  
indicare voluit, quos etiam oratione ardentissimo-  
rum affectuum plena, ut in id, omnes industriæ ner-  
uos contenderent, est obtestatus. Atq; huc usq; de  
FRIDERICI Regis ortu, genere Regio, pueritiæ  
& primæ adolescentiæ studijs, quæ omnia vitæ pri-  
uatæ propemodum censerî possunt: Nunc verò alia  
de quibus me dicturum promisi, quàm possum bre-  
uissimè persequar.

In oratione  
Funebris, de  
obitu Theo-  
dosi.

Pia sollici-  
tudo Christi-  
ani III.

Non ita multò post ortum fuit bellum Dith-  
marsicum, quod etsi initio solus gerere in animo ha-  
buerat Illustrissimus Princeps Adolphus, Holsatiæ  
Dux; tamen aliter suadentibus viris, nobilitate  
generis, prudentia & multis virtutibus præstanti-  
bus D. Iohanne Rantzouio, Regis in istis locis Le-  
gato,

Belli Dith-  
marsici initi-  
um.

C

gato,



Anno 1474.  
quā donati-  
onem confir-  
mauit Caro-  
lus V. Anno  
1548.

gato, & filio ipsius Henrico Rantzouio, idem mu-  
nus hoc tempore gerente, atq; literatorum omnium  
Mæcenate, ita conuenit inter Principem FRID E-  
RICVM & patruos ipsius Iohannem & Adolphum,  
vt bello illo communibus periculis & sumtibus ge-  
sto, si DEVS victoriam de populo illo dedisset,  
Dithmarsia, quam Christiano I. Fridericus III.  
Imperator donauit, inter ipsos ex æquo diuidere-  
tur.

Dithmarsis  
bellum indi-  
citur,

Anno 1322.  
& 1404.

Dithmarsis  
dedit se Prin-  
cipi & Duci-  
bus,

Quo decreto facto, exercituq; ex Danis, Hol-  
satis & Germanis, apparatusq; cætero comparato:  
mox bellum, vt fit, Dithmarsis indicitur, qui cum  
alienius ad literas illas, quas fœciales attulerant, re-  
spondissent, è vestigio conspiciunt in agris suis Prin-  
cipes cum lectissimo exercitu, obuia ferro & flam-  
ma, vastante atq; prosternente omnia. Nec Dith-  
marsis, quod sibi in tanto discrimine faciendum foret,  
neglexere. Elati enim superioribus victorijs, quas  
de Danis & Holsatis aliquoties adepti fuerant, li-  
bertatem illam (si tamen libertas dicenda est) cui  
annos 400. & amplius assueuerant, fortiter propu-  
gnant & defendunt. Verum tandem aliquot ad-  
uersis prælijs fracti, quibus magnum numerum su-  
orum amiserant, nec in fossis & æstuarijs illis suis,  
quibus multum fidebant, spei quidq; sibi reliquum  
cernentes, Principi & Ducibus sese dedunt.

Admi.



Admiracione dignum est: fortes & animo-  
 sos illos Dithmarsos, qui toties aduersum exercitus  
 longè maiores, nec minus instructos, se defenderant,  
 hoste internecione deleta, vt in praelio illo quo Rege  
 Iohanne, atq; fratre Friderico primo, vix fuga ela-  
 psis, flos Danicæ & Holsaticæ nobilitatis, cum  
 alijs multis fortissimis viris, fœda & miseranda cæ-  
 de occidit: tam leui momento victos. Quod Cæsar  
 dixit: *Veni, Vidi, Vici*: Id de nostris quoq; quo-  
 dammodo, vsurpari poterit. Nam vix, exeunte  
 mense, Dithmarsia in formam prouinciæ redacta,  
 bellum illud, quod multis ingentem terrorem incus-  
 serat, finem habuit.

Dani &  
 Holsati cæsi  
 a Dithmarsis  
 Anno Chri-  
 sti, 1500. 17.  
 Februarij.

Ita nulla est quantumuis florens hominum po-  
 tentia & virtus, quæ DEO irato possit resistere.  
 Recte itaq; suadet sapiens ille Poëta: Bellum & Pindarus.  
 pugnam, absq; DEO, mittenda.

In prælijs illis, quibus omnibus interfuit, &  
 magnam partem præfuit Princeps FRIDERI-  
 CVS, heroici & celsi animi certas significationes  
 dedit. Nam cadentibus vel læthaliter vulneratis  
 multis fortissimis Viris, qui proximè ipsum animo-  
 sè dimicarunt, nemo ipsum, vel periculi magnitu-  
 dine perturbatum, vel pro Regni & Reipub. com-  
 modo labores atq; dimicationes defugere vidit vnq;. Heroici mo-  
 Huiusmodi motus nec natura inesse possunt homini-  
 bus

Animi celsi-  
 tudo Frideri-  
 ci Regis.

Heroici mo-  
 tus non expe-  
 ctant annos,



bus nec doctrina comparantur ; sed diuinitus existunt in præstantibus naturis. de quibus est illud Latini Poëta.

Ingenium cœleste suis velocius annis  
Surgit & ingrata fert malè damna moræ.

Clementia  
& Moderatio  
in secundis re-  
bus.

Clementiæ & moderationis in victoria, quæ natura insolens est, laudationem hîc præterire non debeo. Cum grauis esset disceptatio, num 400. Dithmarsî & plures, qui extrema necessitate coacti, abiectis armis, supplices petierant à victoribus, ut vitæ & corporibus suis parceretur, trucidandi essent, nec ne: ac plerisq; illa inhumanior sententia placeret nimis. Ibi Princeps heroicus iussit tertiam partem istorum supplicum sibi attribui: de his, inquires, quod æquum bonumq; videbitur, statuero. Hac oratione Regis moti alij, mox ipsorum vitæ parcendum censent, & quidem rectè. Iniusticiæ enim fuisset, ius supplicum violasse, de quo extat Oraculum à multis sapientibus commendatum:

Ius suppli-  
cum non uiolandum.

Non violandus erit supplex: sacer esse putator.

Belli ius de  
quo Deute:  
20. Cap.

Etenim nec in bellis quidem cessat lex DEI, Ideoq; victori in victos tantum licet, quantum lex DEI, & ius naturæ concedunt. Memoria itaq; omnium seculorum, & sempiterna prædicatione digna est



gna est hæc FRIDERICI R heroica fortitudo, &  
in victoria moderatio.

Constitutis iam in Dithmarsia rebus, Haf-  
niam redit Princeps victor, ubi post supplicationes  
publicè indictas in Comitibus frequentibus, Amplis-  
simorum procerum & reliquorum ordinum consensi-  
one summa congratulationeq; Regnorum Daniae &  
Noruegiæ, quorum Rex antea designatus fuerat, Coronatio  
Friderici An-  
no 1559.  
Augusti: 29. plenam potestatem adipiscitur. Quod antea fieri no-  
luit Rex magnanimus, quàm specimen aliquod vir-  
tutis & felicitatis suæ in rebus gerendis edidisset.

Post horum Regnorum Diademate à Regni  
magnatibus accepto, omnem curam & cogitatio-  
nem eò vertit potissimum, ut pura Religio in hisce  
Regnis sacra tecta conservaretur. Quod & lau-  
datissimo patri promiserat, & ad idem faciendum  
Regni ordinibus, in hoc inaugurationis actu, sese  
religiosè obstrinxerat. Quod etiam constanter &  
religiosè præstitit. Ut enim verè pius erat, ita  
non potuit ea quæ ad cultum DEI conservandum  
pertinerent negligere. Veræ autem non adumbra-  
tæ pietatis hæc argumenta sunt: Sacrae scripturae  
lectio, eiusdemq; privata & publica auscultatio &  
seria meditatio, ardens DEI invocatio creber  
Cenæ Dominicæ usus, vitæq; pie acta. De ijs quæ  
vel ipse legerat (Nam Biblia legisse illum aliquo-  
Cura pro  
Religione cō-  
servanda, su-  
scepta,  
Pietatis Re-  
giæ argumē-  
ta,



Episcopi Ar-  
hufiensis con-  
cio,

ties scimus) vel in concionibus audierat, solitus  
fuit cum suis colloqui. Audierat aliquando pium  
& doctum virum publicè concionantem de ma-  
gnitudine atq; fæditate peccatorum nostrorum,  
cui opposuit immensam & infinitam DEI mise-  
ricordiam, his verbis: Sunt quidem, inquit,  
peccata nostra admodum tetra & abominanda,  
quibus etsi nos æternas pænas commereamur:  
tamen illa minimè imputantur credentibus in fi-  
lium DEI Dominum nostrum IESVM CHR-  
ISTVM, nec veniunt in rationes: Nam Christi  
sanguine sunt illa inducta omnia, & ex libro DEI  
expuncta. Qua oratione se mirificè delectatum  
sæpius dixit. Legit, sicuti dixi, cum alios Sa-  
cræ scripturæ libros, tum in primis Davidis Psal-  
mos, quos postea sibi & suis cum illorum pia &  
succincta Enarratione curavit imprimi: addita  
præfatione à se scripta, qua lectionem & medi-  
tationem illorum dulcissimis liberis piè commen-  
dat, eosq;, vt pius Ecclesiastes, ad timorem DEI  
& omnium Virtutum officia, religiosè hortatur.

*Deutero: 6.* Sciuit enim pius Rex, parentibus voce DEI ex-  
pressa mandatum, vt illi verba legis ipsius filijs suis  
acutè ingerant, loquanturq; de ijs cum sedent domi,  
cum ambulant per viam aliquam, cum cubant, cum  
surgunt. Atq; hæc de pietate Regis FRIDERICI

Dixit



Dixit quidam magni nominis Philosophus: Plato.  
 Pacis in Repub. nomen esse inane, quod ita esse nos  
 quoque sumus experti. Nam annis nondum quatuor Belli Suetici  
initium. An-  
no 1563.  
 à bello Dithmarsico, exactis, aliud multo funestius  
 & calamitosius inter nos, & Suecos vicinos, nobis  
 eadem Religione, propinquitate, affinitate, aliisque  
 arctae necessitudinis vinculis coniunctos, exarsit.  
 Cuius verae causae (Nam occasio ut plerumque in  
 fatalibus malis fieri solet, leuior videri posset)  
 fuere utriusque gentis peccata, quae DEVS iratus,  
 bellis, fame, peste, atque alijs malis punit & vlcicif-  
 citur grauissime. Etsi autem inuitus facio, ut cic-  
 trices iam obductas refricem, vulneraque vel nostra  
 vel aliorum detegam: tamen silendum non est, cer-  
 tissima bonitatis DEI in nos toto belli tempore,  
 quod magna tristium euentorum varietate, terra  
 marique gestum fuit, testimonia extitisse.

Nam annis illis septem & amplius, quibus Beneficia in  
nos a Deo  
belli tempore  
collata.  
 durauit bellum, tantus frugum prouentus apud  
 nos fuit, ut tot exercitibus alendis commeatus  
 abunde suffecerit: & quod fidem propemodum  
 excedere videri possit, laxior etiam annona fuerit,  
 durante bello, quam annis aliquot dimisso exerci-  
 tu, illud secutis: Seditio, in qua omnis mali species, Thucidides,  
 quaeque tantum à bello, quantum bellum à pace differt,  
 à castris plerumque, à reliquo vero Reip. corpore semper Herodotus.  
 per



per abfuerit, quod quantum bonum fit, experiuntur  
*Ciuitia bella.* hoc tempore Regna illa, quæ ciuilibus bellis miserè  
concutiuntur: Cultus DEI, qui tamen in bellis  
extremè periclitatur, conseruatus. Bellum enim in-  
finitam malorum Iliadem, & in ijs profanitatem &  
Epicureisimum quendam mortalibus afferre solet, ex  
quo illud hyperbolicè quidem dictum, sed tamen non  
prorsus à vero alienum, Nulla fides pietasq; viris  
*Eurip: Re-* qui castra sequuntur, proma nauit. Regis deniq;  
*ligioni locus* inter maxima pericula, vt in arcis Elsburgensis  
*non est vbi* expugnatione, peste grassante in exercitu, & alijs,  
*armorū stre-* diuina protectio & conseruatio, de qua est illud  
*pitus terret* Dauidis: Si cadant à latere tuo mille, & decem  
*homines,* millia ad dextram tuam, malum tamen ad te non  
*Psalm: 91.* accedet.

Celsitudo Regij animi conspecta est sæpè, &  
in primis, accepta illa ingente clade, qua classis om-  
*Amiffa Re-* ni apparatu & fortissimis viris instructa, saxis il-  
*gia classis s.* lisa Gothici maris, non quidem hostium virtute aut  
*Kalend: Sex-* potentia, sed vnius infaustæ noctis seuissima tem-  
*til: A. 1566.* pestate perijt. Quæ tristissima iactura non potuit  
non optimo Regi ingentem dolorem afferre cui ta-  
men ita moderatus est, vt præter omnium hominum  
expectationem, recuperata noua classe, bellum, do-  
nec DEVS honestam pacem nobis redderet, conti-  
nuandum censuerit; quo probatum: In rebus ad-  
uersis



uersis virtutis decus maximè lucere, & aduersa vi-  
ros, vt ille dixit, explorare.

Hæc constantia & animi Regij infractum ro-  
bur, Magnatibus Regni & belli Ducibus adeò pla-  
cuit, vt bene de felici liberatione ex tantis malis,  
quibus hæc Regna grauissimè affligebantur, spe-  
rârint. De quo priusq̃ plura: dicendum erit de  
FRIDERICI Regis munificentia, quæ ipsi ad  
omnem posteritatis memoriam, longè maximam af-  
feret laudem atq̃ prædicationem sempiternam.

Belli enim calamitosissimi tempore, longè ma-  
ximo beneficio & penè diuino, Academiam Regi-  
am, vnum ex præcipuis Regni ornamentis affecit.

Heroica  
munificentia  
in Acad: Re-  
giam.

Quo quidem ornamento caruit Dania Regnum vsq̃  
Christianum primum. Etsi enim Ericus Rex Da-  
niæ, quem Pomeranum appellamus, à Martino V.  
Pontifice R. ius instituendi Academiam in Regno  
suo, Anno Domini, 1425. impetrârat: tamen eo  
usus non fuit, vel ob difficilia bella, quæ gessit cum  
vicinis: vel quod diploma Pontificium, quo con-  
cedebatur potestas tradendi iuuentuti omnes artes  
liberales, linguas & facultates, vt loquimur, reli-  
quas, excepta Theologia, qua Sanctus ille pater no-  
stræ gentis homines indignos existimauit, Regni  
Senatoribus & Episcopis, quorum eo tempore ma-  
gna fuit authoritas, displicuerit. CHRISTIA-

Diploma  
Martini v. de  
Academia  
in Dania in-  
stituenda.

D

NVS



Instituta *NYS* itaq, impetrato à Sixto P. R. nouo priuile-  
Academia *A.* gio, conditor & pater *Academiae Regiae* est,  
Hafniensis *A.* quam penè collapsam instaurauit *CHRISTIANVS*  
1478. *III. FRIDERICVS* verò *II.* Regia munificentia  
plurimum adauxit, idq, hac occasione & diffici-  
limo Reipub. tempore.

Cum intellexisset, ob temporum, quibus re-  
rum omnium precia quotannis crescunt, difficulta-  
tem, stipendia illa ordinaria, à superioribus Regi-  
bus constituta, non sufficere tot professorum fami-  
lijs liberaliter alendis, eiusmodi accessione locupleta-  
uit *Academiam*, vt quæ hætenus possederat bona,  
æquet, vel etiam, si exactè ad calculum ea vocen-  
tur, superet aliquot partibus. Quam ipsius muni-  
ficentiam nos, nostriq, successores, grata mente

Alumni A- agnoscemus & prædicabimus. *Alumnorum Aca-*  
cademiae 100. demiae numerum etiam auxit. Nam præter su-  
periora, tot bona largitus est *Scholæ*, vt cen-  
tum bonæ spei adolescentes ex ijs mundum &  
liberalem victum habeant, ac in communitate  
certis exercitijs, ad munus Scholasticum vel  
*Ecclesiasticum* suo tempore obeundum præpa-  
rentur.

Stipendium  
pro 4. libera-  
rium artium  
Magistris. His bonis de quibus dixi, addidit certam  
pecuniæ summam, qua liberalium artium Ma-  
gistri quatuor, in Germanicis, Gallicis vel Ita-  
licis



licis Academijs viuerent, & audirent doctissimorum  
Virorum de rebus grauissimis iudicia, linguasq;  
peregrinas, cuius apud nos permagnus vsus est,  
addiscerent, qui postea certo studiorum curriculo  
confecto, domum reuersi Reipub. operam suam ad-  
dicerent.

Ex hac munificentia verè Regia, fructus  
longè maximus percipitur, & in posterum quoq;  
quàm diu Reipub. status incolumis permanserit  
percipietur. Viuunt enim hoc ipso tempore in  
Regia Academia (vt de Pastoribus & Mini-  
stris verbi nihil dicam) aliquot præstantes viri,  
qui freti hoc Regio beneficio, vtilissimam ope-  
ram nauant Reipub. Atq; hæc omnia, vno eo-  
demq; tempore, bello nimirum etiam tum seuien-  
te, vt dixi, à Rege optimo Professoribus Aca-  
demie eiusq; alumnis, quorum præter ordinari-  
os, magnus est numerus, sunt donata. Sed redeo  
illuc vnde diuerti.

DEVS tandem immensa & paterna bonitate  
motus, vtriusq; gentis, quæ ipsius Ecclesia est, mi-  
sertus, excitauit (quod antea quoq; aliquoties sed fru-  
strà tentatum fuerat) potentissimos Monarchas &  
Principes, Maximilianum II. Imperatorem R. Caro-  
lum IX. Galliarum, Sigismundum Poloniae Reges  
Augustum Electorem & alios, quorum interuentu

Anno Chr-  
sti 1569.



Pax Steti-  
ni sancita. A.  
1570. in De-  
cembri,

& auctoritate bellum illud infelix in octauum an-  
num ductum & productum, maximo horum Re-  
gnorum & Vicinorum damno & incommodo, pace  
Stetini Pomeranorum constituta & sancita, finem  
habuit. Quo ingenti beneficio DEI vt grati rectè  
vtamur, faciet ille, cui vni omnia bona accepta fe-  
renda, detq; vt quemadmodum illis, qui præter ex-  
pectationem à graui morbo liberati sunt, valetudo  
iam recuperata charior esse soleat, quàm si nunq̃  
ægotassent; accuratamq; eius retinendæ rationem  
habent: sic pax post bellum illud diuturnum nobis  
reddita, sit ita chara, vt vitemus omnia, quibus ira  
DEI in nos rursus inflammetur.

Consulta-  
tio de Regis  
coniugio.

Finito bello eo, quo dixi modo, exercitu, qui nos  
compilârat miserè, dimisso, horumq; Regnorum in-  
colis nonnihil à belli istius malis respirantibus: coe-  
ptum est seriò de R. Serenissimi coniugio deliberari.  
Quod & Regis ætas & Reipub. vtilitas flagitare  
videretur. Si enim vel priuato homini suaue est ex  
coniuge filium infantem suscipere, imaginem corpo-  
ris animiq; sui, vt in eo crescente velut alter ipse na-  
scatur: & ex hac vita ita discedere, vt proprium &  
quidem ex seipso editum natum relinquat, qui in fa-  
cultates & stirpem ipsius succedat, & in quo mor-  
tuus viuât ipse: Quanto magis id optandum ijs,  
qui à DEO in magnorum Regnorum fastigio collo-  
cati

Augusti  
Cæsaris ora-  
tio apud Di-  
onem ex A.  
Mylj inter-  
pretatione,



cati sunt, & ad quos non solum presentium rerum  
 cura & administratio spectat: sed quibus etiam  
 posteritatis ratio est habenda, ut decedentes re-  
 linquant veri DEI cultores, eosque qui Regnis  
 auitis cum laude praefici queant? Quae felicitas  
 ut sibi eueniret Rex, & ipse votis ardentibus à  
 DEO petiuit, & ab alijs quoque preces concipi vo-  
 luit: quod ipsius votum & aliorum benignissime  
 exaudiuit DEVS. Nam lectissima & genero-  
 sissima Princeps, Filia Illustrissimi Ducis Vlda-  
 rici & Elizabethae, D. SOPHIA, pie & sanctè à  
 teneris annis educata, ipsi in matrimonium tradita  
 fuit. Nuptias illas, praeter Sponsae parentes, sua prae-  
 sentia, Augusto Electore Sax: Iohanne Regispa-  
 truo, & Iohanne eiusdem germano fratre Holsatiae  
 Ducibus, Regni & Ducatus magnatibus amplissi-  
 mis, splendidissimaque nobilitate alijsque multis, inge-  
 nte omnium ordinum leticia & congratulatione, coho-  
 nestantibus, votaque pro felicibus earum auspicijs con-  
 cipientibus, quae DEO accepta fuisse re ipsa & euen-  
 tu comprobatur. Nam fuisse illud coniugium pium,  
 suaeque, castum & fecundum, scimus omnes. Nec  
 verò aliud esse potuit, cum uterque coniugum Illustris-  
 simorum, virtutibus illis omnibus, quae cum alios,  
 tum imprimis eos qui in summo dignitatis gradu  
 sunt collocati, ornant maxime, praeditus fuerit.

Nuptiae Re-  
 gis & Sophiae  
 Anno Chri-  
 sti 1572. die  
 Iulij 20.

D. D. Re-  
 gis & Regi-  
 nae cuiusmo-  
 di coniugia.

D 3

Post



Munificen-  
tia in Mini-  
stros verbi,

Sorensen gym-  
nasium.

Scholarum  
priuatarum,  
& minorum  
vſus.

Post initum felix illud & beatum coniugi-  
um, tantum abſuit, vt Rex curam, quam ſemel  
ſuſceperat de conſeruando cultu DEI puro, depone-  
ret, vt etiam ad illam indies aliquid acceſſerit.  
Quod ſatis declarat reliquæ vitæ curſus, quem ille  
conſtanter tenuit. Vt enim Academiam Hafniens-  
em ingentibus beneficijs cumulârat, ita quoq; in  
Pastores & verbi miniſtros fuit munificus: auxit  
illorum ſtipendia, ſæpè diuertit ad illos, compella-  
uit humanitèr, ornauit magnis muneribus, liberis  
& viduis illorum benefecit. Quid de Scholis alijs,  
quæ plurimæ ſunt in his Regnis, dicam, quarum  
nulla eſt quæ ipſius beneficentiam non ſit experta?  
ſtipendia Ludimagiſtrorum ampliavit, diſcipulis  
plerisq; de victu & amictu proſpexit, aperuit no-  
uas Scholas, vt nuper Sorensen, in qua liberali-  
um artium egregiè doctus Magiſter, & tres hypo-  
didascalii multos nobili loco, & alios pueros & ado-  
leſcentes docent bonas literas et doctrinam cœleſtem,  
atq; ad morum probitatem aſſuefaciunt. Vidit enim  
Rex, haud optimo conſilio, auctam & magnis red-  
ditibus locupletatam Academiam Regiam, niſi  
pueri & adoleſcentes in priuatis & minoribus Scho-  
lis, prius quaſi tyrocinis quibuſdam literariæ mili-  
tiæ præparentur, quàm ad capeſſendam in Acade-  
mijs ſublimiorem artium & omnium diſciplinarum  
cogni-



cognitionem atq̃ scientiam, accederent. Quod tamen à pluribus, qui præpostera studiorum ratione, atq̃ intempestiva festinatione, relictis minoribus Scholis, ad Academiam agminatim magno cum detrimento Reipub. conuolant. Hæc Regia munificentia, quemadmodum antea quoq̃ dixi, in Scholas horum Regnorum, sempiterna laude atq̃ prædicatione digna est: Nam nec Religio, quæ fons est salutis hominum æternæ, & vinculum consociationis inter ipsos arctissimum, nec Respub. absq̃ literis, nec literæ absq̃ scholis diu conseruari possunt. Scholæ enim sunt fontes salutares & limpidissimi, ex quibus doctrina de vera DEI noticia, artes omnes liberales, cæteraq̃ vitæ humanæ ornamenta præcipua, in templa, in curias, & singulorum familias emanant. Quare ut essent qui literis & artibus benè instructi, ad officia Ecclesiasticæ & politicæ gubernationis adhibiti, doctrina, scriptis, consilijs & oratione, rerum maximarum deliberationes regerent, tot tantaq̃ bona largitus fuit Rex doctoribus artium & literarum atq̃ ipsis discipulis, ut possessio doctrinæ quam à patre CHRISTIANO III. acceperat, in hisce Regnis diu maneret, atq̃ ad posteritatem propagaretur. In qua ne minimam quidem mutationem fieri passus fuit.

Magnum

Bona quæ ex Scholis bene institutis in omnes vitæ humanæ partes, præmanent.

Theologorum certamina,



Anno Chri-  
sti, 1574.

Magnum capiebat dolorem, ex acerbis & grauibus illis doctōrum hominum contentionibus, quibus miserè laceratur Ecclesiæ consensio: distrahantur Principum & gubernatorum animi: injiciuntur multorum conscientijs scrupuli, atq; dubitatio Academica de veritate doctrinæ cœlestis: crescit audacia hostium Ecclesiæ in oppugnanda doctrina, quam profitemur in scholis & Ecclesijs. Ab eiusmodi contentionibus, vt abstinerent sui, seuerè iussit, sancita in eos qui non parerent, graui pœna. Mandabat etiam abstineri ab Ecclesiarum, quæ in alijs Regnis peregrinantur insectatione. Cumq; intellexisset quotannis in vulgus spargi novos libros, qui inexplicabiles controuersias continerent, mandauit omnibus Episcopis, vt illi tanquam in specula & excubijs positi, obseruarent diligentissimè, ne Ecclesiæ, quarum inspectio & curatio ipsorum fidei commissæ erat, detrimenti aliquid ex librorum istorum lectione caperent. Quod ne fieret, iussit id genus libros, ex agris & finibus Regnorum suorum exterminari omnes. Quod ipsius edictum quantum profuerit toti Reipub. ad retinendam piam consensionem, & tranquillum statum in Scholis & Ecclesijs, euentus docet. Nec dubium est FRIDERICI II. nomen cum ob alia ipsius præclara facta, tum etiam ob hanc prudentiam & circumspeditionem, illustre redditum



ditum, & seræ posteritati multorum scriptis atq;  
prædicatione consecrandum.

Annis aliquot superioribus, multi exules, dul-  
cissima patria atq; alijs quæ hominibus solent esse cha-  
rissima, ob grauissimas persecutiones & tristissi-  
mas lanienas quæ fiebant in Regnis nobis vicinis,  
relictis, quærentes hospitium, & domicilium, in quo  
piè & cum bona conscientia possent viuere, ad nos ac-  
cesserunt: erga quos quomodo se gesserit Rex opti-  
mus operæ precium est scire. Profuit quidem illis  
omnibus, sed ita vt suis in re omnium maxima cau-  
tum voluerit. Ius enim Ciuitatum in quibus ma-  
nere vellent, & immunitatem à publicis oneribus in-  
tegro decennio ipsis concessit, addita tamen hac con-  
ditione, vt priusq; accenserentur ciuium numero,  
ederent coram Episcopis Pastoribus, & aliquot  
politicis viris confessionem suam de præcipuis do-  
ctrinæ Christianæ capitibus quæ compræhensa sunt  
in libro, qui latinè, danicè & germanicè scriptus  
extat, quiq; continet nostrarum Ecclesiarum senten-  
tiam de præcipuis doctrinæ fidei Christianæ parti-  
bus. Norat enim Rex plerosq; illorum hospitem  
venisse ex illis Regionibus in quibus multæ perni-  
ciosæ hereses natæ, indeq; in varias Christiani orbis  
partes diffusæ, longè latèq; propagatæ essent. Nec  
nulli fuere illorum, qui solum rursus vertere malue-  
rint,

Humanitas  
erga exules  
& hospites,  
Anno Chri-  
sti 1569.

Editus Anno  
1569.



runt, quàm formulæ doctrinæ nostrarum Ecclesi-  
arum, quæ tamen verissima est, subscribere. Vnde  
de quàm necessaria fuerit hospitum illorum exami-  
natio, fideiꝫ ipsorum exploratio, sciri potest.

Beneficen-  
tia erga pau-  
peres,

Pauperes, quod etiam Christiani magistratus  
est officium, ipsi curæ fuisse, argumento sunt ingen-  
tia illa bona, quæ ipsis alendis in Nosocomiis, passim  
in Regnis suis est largitus, quæ profectò plura sunt,  
quàm ut à me commemorari queant. Anni sunt non  
multi, ex quo Reipub. Hafniensi multa dalerorum  
millia ab ipsius M. & aliquot præstantibus viris,  
ordinis Senatorij & alijs in annuos redditus donata  
fuere, quibus bis in anno, honestæ familiæ ad ino-  
piam redactæ subleuantur & munificè fouentur.  
Sæpè magnum numerum pecuniarum aliorum quoꝫ  
oppidorum pauperibus distribuendarum misit.  
Quod ab ipso cum aliàs sæpè, tum in primis cum no-  
uo aliquo beneficio à DEO affectus esset, fiebat.

Anno Chri-  
sti, 1574.

Hiscæ proximis annis aliquot, quibus frumen-  
ti inopia, ut etiam in alijs plerisq; Regionibus, labo-  
raturum fuit, iussit Præsidibus artium & prædiorum  
suorum agricolis & alijs tolerabili pretio frumen-  
tum vendere: Iis verò, qui egentiores erant quàm  
ut pretium possent soluere, magnum frumenti nu-  
merum donauit: memor illius Salomonis, prohiben-  
ti frumentum maledicet populus, benedictio autem  
super

Proverb : II.



super caput vendentis frumentum. Quanti verò re-  
ferat rectè colli agros, & experientia testis est, &  
ille qui dixit Agriculturam aliarum artium paren-  
tem atq; nutricem, qua bene habente, cætera valere:  
neglecta verò terra mariq; iacere omnia.

Xenophon  
in œcono.

Vt autem honestè pauperes liberalissimè iuuat  
& fouit, ita robustos illos & otiosos erroneos,  
inertes & absq; vlla debilitate miserandos, qui  
passim vagando stipem ab alijs extorquere so-  
lent, à quibus etiam non rarò multa turpiter  
& sceleratè admissa compertum, ferre non potu-  
it: Ideoq; legem sanciuat, qua & mendicis egen-  
tioribus de victu prospicitur, & validorum isto-  
rum hominum mendicatio prohibetur. Quod à  
magnis Imperatoribus quoq; factum olim, & ver-  
bo DEI consentit optimè. Qui vt mandat cùm  
magistratui, tum alijs vt pauperum inopiam suble-  
uent: ita quoq; promittit ipsorum benefactoribus  
amplissima præmia, & seuerè otium prohibet: Si  
quis, inquit Paulus, nolit operari etiam ne edito. Ac  
eiusmodi beneficentiam præmijs ornari à DEO,  
exemplis propemodum infinitis posset doceri, è quib-  
us vnum tantum recitabo. Tiberius II. Impe-  
rator, adeò multa pauperum familijs alendis  
distribuere fuit solitus, vt à Sophia Iustini vi-  
dua reprehenderetur, quæ cum diceret, illa profusione

Lex sanc-  
ta de validis  
& robustis  
mendicis.

Vt a Gratia-  
no. Valen-  
tino Theodo-  
sio & alijs.

2. Theß: 3.



Tiberij II.  
liberalitas in  
pauperes.

(sic enim vocauit munificentiam illam in pauperes) fiscum exhauriri, respondit Tiberius: Nunquam fiscum, quam diu portio aliqua pauperibus daretur, exhauriri posse. Quod verè ab ipso dictum, postea euentus comprobauit. Nam DEVS & præclaras victorias ipsi dedit, & opes ipsius magno additamento cumulauit: quod hac occasione euenit. Cum auream crucem insertam marmori, ne illa pedibus conculcaretur, leuari iuberet, aperto sepulchro ingentes thesauri inuenti, quibus fretus, res magnas & imperio vtilis gessit. Sed quid opus est exte-  
ris, cum domesticis exemplis abundemus. Quantis enim bonis præstantissimorum Regum, vt de alijs nihil dicam, laudatissimæ memoriæ CHRISTIANI III. & FRIDERICI II. beneficentiam remuneratus est DEVS?

Philostorgia & amor  
in sobolem.

Philostorgia & amor ipsius M. in liberos, DEI donum eximium, tres filios & quatuor filias, quibus heroica indoles & generositas inest omnibus, quantus fuerit, testatur illa paterna & pia sollicitudo de ipsorum recta institutione, quam ille norat esse bonæ disciplinæ caput, & diligentiam, quæ teneros animos ad virtutum officia flectit, vim habere ma-

Liberorum  
Regiorum  
prima insti-  
tutio & edu-  
catio.

ximam. Curauit itaq; Rex optimus tenellos liberos suorum animos mox ab ipsa infantia & teneris, quod dicitur, vnguiculis, prout cuiusq; ætas ferret,



ferret, vera noticia DEI imbui, quod primum  
in gynceo Aula, schola quadam pietatis & hone-  
statis, fiebat: deinde cum ætas singulorum paula-  
tim maturescens accuratiorem institutionem flagi-  
taret, delecti sunt ad id munus obeundum viri  
pietate, doctrina & prudentia eximij, quorum labo-  
ribus vtilissimis affatim & copiosè DEVS bene-  
dixit. Nam Illustrissimus Princeps CHRIS-  
TIANVS III. quem ego honoris & grati-  
tudinis ergò nomino, Rex designatus, in Catechesi  
Christiana, in latina lingua, rerumq; aliarum hone-  
starum cognitione profecit plurimum: quem Vlder-  
ricus frater, æmulatur magna cum laude. Vterq;  
enim, excellenti ingenio, & vi memoriæ singulari  
præditus est. Quod ipsum quoq; de filiabus Regis,  
verè à me poterit affirmari. Legunt illæ quotidie  
aliquam partem scripturæ sacræ, & inprimis Filia Regiæ.  
Psalms Davidis, quos ipsis Pater commendarat  
sæpè, audiunt sacras conciones attentè ac decenter,  
preces ad DEVM fundunt, cui matris viduæ  
mæstissimæ, fratrum charissimorum, suam & Rei-  
pub. orbitatem commendant.

Quæ dixi hætenus, etsi optimo Regi inpri-  
mis curæ fuere, tamen cætera Christiani Magi-  
stratus officia minimè neglexit. Iudicia enim con-  
stituit, legibus honestis paruit, subscribens laudatis-  
simæ



Forenses  
actiones & iu-  
ris admini-  
stratio.

simæ illi legi Theodosij: Digna vox Maiestate re-  
gnantis, legibus se alligatum Principem profiteri.  
Ex legum præscripto controuersias motas diremit.  
Iudicijs enim sæpissimè ipse præfuit, secutus in eo  
Proverb: 20. Salomonis consilium, cuius hæc est oratio. Rex in  
Iudiciali folio sedens, discutit oculis suis omne male-  
ficiū. In controuersiis dirimendis, primū ope-  
ram dedit, vt partium dissidentium amica reconcili-  
atio fieret, ac sæpe, posita Iudicis persona, sequestri  
& reconciliatoris sumsit, in ijs præsertim litibus,  
quibus periculum de fama, existimationeq; alterius  
litigatorum esset. Deinde, si id non succederet, ex  
legum præscripto, seruata earum tamen moderatio-  
ne, si id posset fieri, sententiam pronunciabat. Non  
rarò magnis donis affecit litigantes, vt à litigando  
disisterent. Benemeritos de Repub. cuiusuis ordinis,  
gentis & nationis, præmijs ornauit. Testes sunt,  
non solum nostræ gentis homines, sed alij plurimi  
omnium ordinum, qui optimi Regis & Regni  
beneficijs, pro sua quisq; conditione, statu, meri-  
tis, vtuntur fruuntur amplissimis. Cædes, va-  
gas libidines, furta & id genus iniurias seuerè  
Animadu- uersio in eos, prohibuit delicti, non personæ habita ratione,  
qui commu- nem societa- fontes puniuit. nec enim in pænis locus esse de-  
tē hominum turbant. bet proportioni Geometricæ. Illud verò ita cer-  
tum quam quod certissimum, neminem ipsius  
volun-



voluntate, nisi causa prius in legitimo iudicio examinata & lata sententia secundum leges, civiliter vel criminaliter punitum. Qui secus facit, non Magistratus, sed tyrannus potius est appellandus.

Veteribus legibus novas quasdam, sed paucas easq; Reipub. in primis utiles addidit, & id quidem de consilio Amplissimorum Regni Procerum, & Senatorum sapientissimorum, quos ille, ut & debuit, maximi in tota gubernatione, fecit, atq; summo loco apud se habuit. Leges illae de quibus loquor, sunt de modo in dotibus & donationibus propter nuptias, in quibus multa in fraudem heredum fiebant, seruando: de funerum sumptibus, qui ad summum, magno cum Reipub. detrimento creuerant, moderandis: de repudijs et diortijs, de quibus etsi leges quaedam extabant prius, tamen ob earum vel breuitatem, vel sententiam minus explicatam, in consistorijs iisdem de causis non raro discrepantes sententiae pronuntiae fuere. quod ne in posterum fieret, addita fuit illis legibus quaedam declaratio, iudicibus et litigatoribus in primis utilis.

Moris est, eas controuersias, quae in iudicijs inferioribus non possunt decidi, in comitijs, quae plerumq; Hafniae Regni metropoli habentur, Regis & Regni Senatorum sententia, à qua nulla est provocatio, finiri. Quae comitia si ob certas causas haberi

Leges nouae sancitae & promulgatae.



haberi non possent loco illis destinato, constitutum fuit vt certo anni tempore in singulis Regni ditionibus, aliquot è Regni Senatoribus cum alijs ad id delectis sapientibus viris forum agentes, controversias & lites illas prorogatas terminarent.

Ephori &  
harmostæ  
missi in Nor-  
uegiâ & Go-  
thiam,

Eodem consilio misit sepe in Noruegiam & Gothiam insulam eiusdem Senatorij ordinis præstantes Viros, quibus alij quoq; adiuncti fuere. Qui in Præsidium, Iudicum & Præfectorum vitam & gubernationis rationem, subditis facta potestate accusandi eos, à quibus iniuria affecti fuerant, inquirerent. Quæ inspectione factum, vt & gubernatores in officio continerentur, & subditi minus eorum iniuriæ expositi, beatus viuerent. Quæ piam & paternam curam optimi Regis, pro suis, sicuti alia quoq; multa, quæ ille hisce postremis annis gubernationis suæ patrauit, satis declarant, ex quibus nonnulla silentio nec possum, nec debeo præterire.

Principatum & Ducatum Slesuicensem, a multis seculis, Regni Daniæ, Feudum esse, testes sunt annales, Principum & Pontificum R. diplomata.

Vetus controuersia fuit Daniæ Regibus cum Holsatiæ Comitibus & Ducibus, iam inde ab annis 476. & amplius, ad nos de lure Regni in Ducatum Slesuicensem propagata. De quo nec optime inter laudatissimæ memoriæ Regem CHRISTIANVM III. & fratres ipsius consanguineos, Iohannem & Adolphum Holsatiæ Duces conuenit. Metuens itaq; Rex FRIDERICVS, ne controuersia illa



illa motus ingentes & bella, quemadmodum memi-  
nerat factum temporibus Nicolai, Canuti (qui pri-  
mus Dux Slesuicensis appellatus, & à Lothario  
Imp. Vandalorum Rex creatus est) Suenonis,  
Voldemari, Erici & Margarete Regum Danie,  
aliquando pareret; monuit Principes propinquos,  
vt illt, Regno auito in Ducatum Slesuicensem resti-  
tuto iure, paci & tranquillitati horum Regnorum  
& ditionum consulerent. De quo post varias con-  
sultationes, tandem per arbitros honorarios, Au-  
gustum Electorem, Vldericum Megapolitanum  
Ducem, & Guilhelmu Lantgrauium Hassie res  
eò deducta fuit vt Iohannes & Adolphus Otho-  
nie in frequentibus comitijs, accepta solenni Feudo-  
rum ritu, Ducatus Slesuicensis inuestitura, spospon-  
derint se atq. suos successores Duces Slesuicenses  
in fide FRIDERICI & successorum Danie Re-  
gum constanter mansuros.

Anno Chri-  
sti, 1550.

Hic eluxit admiranda DEI prouidentia &  
bonitas, qui sapientissimè rebus omnibus feliciter  
gerendis metas & momenta sua constituit. Ete-  
nim quod multi potentissimi Reges Danie armis re-  
cuperare frustra conati fuere, id demum FRIDERI-  
CO rerum potiente, amica compositione postliminio  
redditum. In quo vt præstantis Regis in Rempub. Ecclesi: 3.  
amor & fides, ita quoq. Illustrissimorum Ducum mo-  
deratio,

Momenta  
temporum re-  
bus gerendis  
a Deo consti-  
tuta.



deratio Iustitiæq; amor est merito laudandus, qui Regi in eo, quod iuste postulatum fuerat, cesserint.

Legati in  
Scotiam mis-  
si, A. Christi  
1585.

Eodem spectavit legatio in Scotiam missa, de Orcadibus, quæ ante annos centum & amplius dotis nomine, Margareta Christiani primi filia Iacobo Stuardo Regi in matrimonium tradita, oppignoratæ fuerant, redimendis. De quibus etiam Iacobus VI. Serenissimus Scotiæ Rex ad nos suam legationem misit. Quæ tamen controuersia ob Regis immaturam mortem finire nondum potuit, finienda verò cum DEO ita fuerit visum.

Legatio ad  
Henricum  
Regem Gal-  
licarum missa  
Anno Chri-  
sti, 1586.

Ipsi in primis curæ salutem Ecclesiarum horum Regnorum fuisse dixi, nec tamen pro exteris omnem sollicitudinem deposuit, quòd ita esse cum multa alia luculenter demonstrant, tum etiam legatio illa magnis sumptibus ad Henricum Regem Gallicarum missa, qua intercessum fuit pro Ecclesiarum illarum Gallicarum, quæ iugum Antichristi excusserant, pace siue inducijs impetrandis. Quæ sympathia Christiano Magistratu digna est.

Profectio  
Luneburgū  
suscepta, An-  
no 1586.

Nec alio consilio ante biennium, sumptuosa illa profectio Luneburgum fuit suscepta, quam ut Illustrissimos aliquot Germaniæ Principes, consanguineos & affines suos moneret de periculis quæ ipsorum cervicibus, crescente indies magis magisque Antichristi potentia, imminent, auertendis: ne incauti  
opini



opinione citius opprimerentur. Quod ipsius consilium, etsi euentum, quem ille optarat, non habuerit meritò tamen laudandum est & prædicandum. Nam sapientum hominum facta, non euentu, sed proposito aestimari & ponderari debent.

Consilium illud amicis Principibus datum secutus ipse, comparauit magna diligentia & im-  
mensis sumptibus ea quibus hortuli cælestes, hoc est, Ecclesiæ, Scholæ, iudicia, leges, disciplina, æconomia conseruarentur & defenderentur. Etsi enim ea omnia diuinitus consistunt, & in statu suo permanent salua, tamen DEVS vult ad suum auxilium humanam quoq; industriam accedere. Naues itaq; quæ sunt lignei muri & horum Regnorum propugnacula, maximis sumptibus edificari, varij generis arma fieri, & reliquum belli apparatus, vt in promptu haberet, curauit diligentissimè. Quod eò facilius ab ipso fieri potuit, quod etiam in hoc Regno sint excellentissimi omnis generis artifices, Architecti, Naupegi, fabri & id genus, cuiusmodi paucos aurorum nostrorum memoria fuisse in his Regnis existimo.

Diligentia Frederici Regis in comparandis ijs, quæ ad defensionem horum Regnorum pertinent.

Artifices excellentes, Deidonum sunt.

Sed cum armorum vsus absq; ijs qui armis rectè vti sciunt, nullus propemodum sit, viros fortes & rei militaris scientes, quorum opera, si tempus & necessitas id flagitarat, ad earum

F 2

rerum



Sapientes  
consiliarij.

rerum, de quibus dixi, defensionem & tuitionem  
vteretur, sibi munificentia illa Regia officijsq; alijs  
adiunxit. Et cum arma parua sint foris, nisi ea do-  
mi prudentia regantur, secum esse quoq; voluit viros  
qui togata etiam fortitudine atq; politica sapientia  
excellerent. Quibus virtutibus, etsi plerisq; alijs  
antecederet, tamen aliorum sapientum hominum  
consilijs tribuit plurimum.

Quod ipsum cum faceret M. Antoninus à quo-  
dam familiari reprehensus, dixit: quantò æquius  
est vt ego tot ac talium virorum secutus consilium  
in eorum acquiescam sententijs, quàm vt illi ad me-  
am vnus voluntatem se comparent. Oratio sapiente  
Imperatore digna. Qui enim de sua vnus senten-  
tia omnia gerit, superbus potius quàm sapiens exi-  
stimandus, à quo vicio quantumuis florens potentia,  
dignitate & authoritate, in rebus gerendis successu  
atq; felicitate, FRIDERICVS II. alienissimus fu-  
it. Voluit itaq; Rex sapiens secum esse viros & bel-  
lica & togata fortitudine præstantes, erga quos, vt  
singularem benevolentiam declararet, interdum va-  
letudinis minus accuratam rationem habuit. Quod  
tempori & moribus hominum, magna ex parte ad-  
scribi debet. Vt enim fluminum impetus secum ab-  
ripiunt nauigantes, sic errores temporum trahunt  
homines, vt minus præsentia improbent. Nam  
singulæ

Valetudinis  
ratio negli-  
gentius habi-  
ta.

Cicero pa-  
rad: 6.



singula ætates contagij aliquid miscent hominum na-  
 turæ, quæ in hac imbecillitate, nunq̃ est sine vicijs :  
 & fit ferè, quod Seneca dixit, vt remedio locus non  
 sit, vbi quæ vicia fuerunt, mores fiant. Quod ipse  
 non rarò fatebatur. Habent quidem etiam maximi Magnorum  
viro-  
rum er-  
rata.  
 Principes suos quosdam n̄uos & errata; ob quæ  
 tamen boni Magistratus nomen non amittunt.  
 Quanti viri, DEVS bone, fuere David, Ezechias,  
 Iosias & alij nonnulli, quorum errata quæ literis  
 prodita sunt, quis nescit? Non quidem, vt eos er-  
 rantes imitentur alij, sed vt agnita sua imbecillita-  
 te, & viuant circumspectius & cum lapsi fuerint  
 (Non est enim iustus in terra qui benefaciens etiam Ecclesi: 7.  
 non peccet) illorum exemplo resipiscentes, in gratia  
 am cum DEO redeant. Fatendum itaq̃ est, FRI-  
 DERICO Regi suos quoq̃ n̄uos fuisse, quos DEI  
 immensa misericordia benignè contexerit.

Quanta vero authoritate ipse præstiterit, Authoritas  
Magistratus  
Dei donum.  
Prouerb: 20.  
 testantur illæ crebræ & splendide legationes ad  
 ipsum missæ, Imò maximorum Principum ad  
 ipsum accessus, vt cum ipso de rebus maximi  
 ponderis momentiq̃ consultarent. Quod ab ijs  
 plerumq̃ quorum res aduersæ fuere factum me-  
 minimus. Fuit enim Rex aræ instar, ad quem  
 vi & iniurijs oppressi confugerent. Principes  
 Principumq̃ legatos, quanta comitate, & humanitate  
 adueni-



Humanitas  
comitas | | &  
munificencia  
erga legatos.

aduenientes exceperit, & abituros dimiserit, quan-  
tisq; muneribus ornarit, vt fuit ad benefaciendum  
alijs natura propensus, longum foret commemorare.  
Intellexit enim Regna Principibus diuinitus dari  
ad beneficentiam in alios exorcendam, atq; de genere  
humano benè merendum. Quod ipsi summo studio  
atq; curæ fuisse, ex ijs quæ dixi, & multis alijs quæ  
temporis angustia dici non patitur, satis intelligi po-  
terit.

Procerum &  
subiectorum  
amor erga  
Regem,

CHRISTIANUS  
iv. Rex desi-  
gnatus, An-  
no Christi,  
1584.

Procerum Regni & subiectorum in ipsum  
quantus amor & beneuolentia fuerit, plurima sunt  
quæ satis demonstrant, quorum vel præcipuum est,  
quòd Magnates Amplissimi ante annos ferè quatuor  
Illustrissimum Principem, CHRISTIA-  
NUM IIII. summa voluntatum & animorum  
consensione, maiorum exemplo, Regem designa-  
runt. Quæ summa, & in Serenissimum Patrem,  
& Illustrissimum Filium beneuolentiæ atq; fidei te-  
stificatio erat. Id ipsum quoq; plangore, complora-  
tione & lamentatione omnium ordinum Reipub. cum  
eum humanis rebus exemptum percrebuisset, intel-  
lectum.

De hac fide & beneuolentia subiectorum cum  
sibi gratularetur, huiusmodi oratione vti solebat.  
Sunt inquit magni Principes nobis non ignoti,  
qui rarò venatum, nisi expeditorum equitum magno  
numero



numero stipati, & quasi vallati exeunt, adeo sibi à suis metuunt: At mei in me, vt & ego in eos, alio sunt animo affecti. Nemo enim meorum omnium est, qui cum vel noctu solus non ausim iter facere: atq; si ita opus foret, in ipsius sinu dormire. Oratio profecto magnanimo & sibi benè conscio Principe dignissima.

Similis narratio de Eberhardo, Duce Virtebergico extat,

Nam regium est sic imperare alijs, vt ameris potius quàm metuaris: Metus enim malus est custos diurnitatis: Contra verò non arma & exercitus, sed protectio DEI, sociorum amicitia, subiectorum amor & fides sunt Regum adamantina præsidia. Hæc fiducia ipsum à futilibus & friuolis suspicionibus, quæ plerumq; minuti animi consilijq; inopis argumentum sunt, liberum reddidit.

Regum firma præsidia.

Mendacium quoq; (vt id hoc loco commemor) odit vt qui maximè, non aliter atq; heros ille de quo Poëta.

Mendacior,

Odi etenim ceu claustra Erebi, quicunq; loquuntur Ore aliud, tacitoq; aliud sub pectore condunt.

Achilles Homericus,

Atq; idem tamen multa etiam intimos non raro celauit. Non enim necesse est semper claram veritatis faciem ostendere: vnde factum vt ardelionibus & sycophantis, quibus obsonium est, Principum animos in bonos & innoxios inflàmare, aures rariùs pateface.

Pindarus,

Assentatores & Sycophantæ.



*Psal: 109.*

Idea bene  
institutæ au-  
lar.

Artabani  
oratio apud  
Herod. lib. 7.

tefaceret. Cum enim aliquis se ad famæ absentis ob-  
tractandum pararet, audiit: vide dicas, quæ post  
voles audire. Nam quæ dixeris, primam nactus  
occasionem, illi, de quo fueris locutus, renunciabo.  
Quod ut faceret Rex, in schola Spiritus Sancti di-  
dicerat. Ille enim verbis Davidis, qui aularum ar-  
tificia nôrat optimè, docet magistratus, cuiusmodi  
consiliarios & ministros ferre atq; audire debe-  
ant. Quem Psalmum FRIDERICVS Rex initio  
gubernationis, Ecclesiastæ sui scholijs illustratum, in  
priuatum suum vsum, typis excudi curauit. Quan-  
ta verò pestis humani generis sit calumnia, sapiens  
ille Princeps docet, qui monet non solum linguam,  
sed ne aures quidem calumnijs impertiendas, quòd  
duo sint, qui vnum iniuria damnoq; afficiunt. Qui  
enim calumnias alteri struit, illum quem absentem  
vituperat, sceleratè lædit. Qui verò auscultat,  
eundem lædit, quia delectatur inclementibus in ab-  
sentem dictis, ignarus veritatis. Ita in vnius mi-  
seri, & quidem inscientis perniciem duplex consen-  
tit, & quasi conspirat malitia.

Essent quidem multò plura commemoranda de  
virtutibus FRIDERICI Regis, eiusq; præclaris  
factis, sed ne videar auditorum beneuolentia &  
æquitate abuti, contrahenda nobis erunt orationis  
vela, plurimaq; alijs, qui suo tempore de his scribent  
luculenter, relinquenda.

Nihil



Nihil itaq. dico de arcibus & munitionibus  
 tum alijs tum etiam Fridrichsburgo & Cronburgo, <sup>Arces.</sup>  
 arce omnium pulcherrima, quæ ad Danicum Hel-  
 lespontum posita, & ornamento & munimento hisce  
 Regnis est: nihil de templis quæ ille vel à fundamen- <sup>Templa.</sup>  
 tis excitari, vel vetustate ferè collapsa, magnis sum-  
 tibus instaurari curauit. In quorum nonnullis exteri  
 & nostratis linguæ ignari, sacros conuentus cele-  
 brant, quorum Ecclesiastæ Regijs, ijsq. opimis, sa-  
 larijs viuunt. Quis enim Regum superiorum mini-  
 stris suis ampliora stipendia, quàm FRIDERI-  
 CVSII. persoluit? Nihil de CHRISTIANI III. tu- <sup>Monumen-</sup>  
 mulo, quem in huius augusti templi ædícula mo- <sup>tum Christi-</sup>  
 numento pulcherrimo ex alabastrite, Lydioq. la- <sup>ano III, pos-</sup>  
 pide imaginibus & sculpturis artificiosissimè, ma- <sup>tum.</sup>  
 gnis sumtibus elaborato, decoratum cernitis: nihil  
 de Boringholmia insula copiosa & fertili, post <sup>Boringhol-</sup>  
 quinquaginta annorum seruitutem in pristinam li- <sup>mia restituta</sup>  
 bertatem asserta: nihil de nauigatione ultra Nor- <sup>Anno 1576.</sup>  
 uegiæ promontoria ad emporia Moscorum hisce  
 proximis annis, magno nostro commodo, aperta:  
 nihil de conuentione cum Anglis, de commercijs, <sup>Anno 1582.</sup>  
 quæ illi cum Moscis & alijs, Regis nostri & Re-  
 gni Senatorum concessu, miscent: nihil de alijs  
 multis, quæ magna cum laude FRIDERICI pos-  
 sent commemorari. Properat enim oratio ad Hi-  
 G storiam



historiam obitus ipsius exponendam, quam si liceret, mallet prætermittere. Sed cum illa quoque illustra immensæ bonitatis DEI erga FRIDERICUM suum documenta contineat, & fructum, quem ille ex veri DEI cultu atque constante pietate percepit, nobis ob oculos ponat, omitti non debet. Referenda itaque verissimè, quemadmodum eam à viris fide dignissimis, qui Regi egrotanti & morienti adfuere semper, accepimus.

**Valetudo Regis,**

Ea corporis temperatio, & valetudo Regi FRIDERICO fuit usque ad annum ætatis quinquagesimum tertium ferè, quæ rariùs morbis tentaretur. Tunc enim virium quedam naturalium imbecillitas animadversa, quam paulatim auxere graves & molestæ cogitationes, de tristi atque deformi statu orbis Christiani, deque continuatis tot Regiæ gentis & familiæ Principum funeribus: ut

**Mortui Io-**  
**han:** Anno  
**80. Kal:** Oc-  
**tobris.**

**Adolph:** A.  
**86. Kal:** ñf-  
**dem.**

**Mag:** A. 84.  
**Anna 85. Kal:**  
**Octobris.**

**Augu:** An-  
**no 86. 11. Feb.**

**Elizab:** vxor  
**Friderici.**

**86. 14. Octob**

Iohannis & Adolphi patruorum: Magni germani fratris: Annæ Sororis, Augusti Sororij: Elizabethæ fratris: Elizabethæ socrus: Elizabethæ F. Adolphi, eiusdemque filij FRIDERICI & aliorum. De quibus sæpè dicebat Principes sibi coniunctissimos in veram & cælestem patriam abiisse: eodem quoque sibi brevi commigrandum. Quo sermone paucis complexus est omnia illa, quæ nobis in amicorum morte atque funerum ceremonijs,

piè



piè sunt cogitanda, cuiusmodi est & illud: Hodie  
mihi, cras tibi. Tota ferè æstate superiore, ca-  
tarrho & sicca tussi grauiter affligebatur.

Elizab: F.  
Adolphi 87.  
Frid: Adol-  
phi F. A. 87.

Cum Synderburgi esset, vt nuptias Ducis Io-  
hannis fratris, & Hagnetæ Hedwigis, quæ Au-  
gusti Electoris vxor fuerat, sua præsentia coho-  
nestaret, sacræ quidem & solenni Illustrium Spon-  
si & Sponsæ benedictioni interfuit: Sed à con-  
uiujs, nisi quando Principes, qui conuenerant, sa-  
lutandi essent, plerumq; abfuit. Quod ipsum Ha-  
tersleby quoq; factum. Eò enim Principes illos  
omnes, qui conuenerant Synderburgi, & in ijs  
D. Iohannem Georgium Principem Anhaltinum,  
& D. Dorotheam Principem Mansfeldicam ipsi  
desponsam, inuitârat. Quorum nuptias quoq; apud  
se atq; suis sumptibus fieri voluit. Quod more  
suo fecit. Vt enim honesti coniugij amantissimus  
erat: ita quoq; multi nobili loco nati & alij, ip-  
sius secuti auctoritatem, matrimonium, cuius ille  
proxeneta & conciliator fuit, inière, quos splendide  
apparatis conuiujs honoratos, magnis beneficijs cu-  
mulauit.

Nuptiæ Du-  
cis Iohan: &  
Hagnetæ Hed-  
wigis 14. Feb.  
celebratæ.

Nuptiæ Prin-  
cipis Anhalt.  
& Mansfeld.  
celebratæ 21.  
Februarij.

Amor Con-  
iugij.

Anhaltini & Mansfeldicæ nuptijs Regio  
apparatu celebratis, Principibusq; exteris, præ-  
ter D. D. Philippum Brunswicensem, & Christi-  
anum Anhaltinum, quos diutius secum esse voluit,

Principes  
exteri dimissi.



amantissimè dimissis: profectiōem, in Selandi-  
am rediturus, vt soli & cæli mutatione vires cor-  
poris nonnihil recrearet, aliaq; negocia expediret,  
adornat.

Neoburgum  
venitur.

Hattersebio itaq; in fine Februarij digres-  
sus Neoburgum quarto die Martij venit, vbi,  
quamuis secundus ventus ad nauigandum inuita-  
ret, biduum tamen ferè tussi sicca, quæ ipsi som-  
num sæpius interrupt, grauiter afflictus, substi-  
tit.

Redit in Sie-  
landiam.

Sexto die sinum Balthici maris transmis-  
surus, nauim ægrè conscendit, quâ cum veheretur,  
aberat ipsi familiaris antea vultus hilaritas &  
suauitas. Cæteris vectorebus cibum capientibus,  
ipse, præter morem, loquutus pauca, parum come-  
dit. Korsöram ac inde Antuorschouiam arcem  
sub noctem eiusdem diei peruentum. Vnde ad Cro-  
neburgum arcem cogitabat. Verum Medico sua-  
denti, vt dies aliquot, intermissa profectiōe, cu-  
rando morbo tribueret, sermone veræ quidem pie-  
tatis indice, sed ominis sinistri pleno respondit,  
se morbo eiusmodi confici, cui solus DEVS mede-  
ri possit: velle se tamen medici consilium sequi, ne  
artem illam præclaram diuinitus monstratam homi-  
nibus, aspernari videretur: Vicem verò Princi-  
pum exterorum, quibus mora illa grauis esset futu-  
ra,

Ars medica  
Dei donum.  
Syrach. 38.



ra, se dolore. Quo sermone se illorum dissimilem,  
esse ostendit qui, cum volunt habent, de aliorum  
commodo vel incommodo parum sunt solliciti.

Aśa Rex Iuda magnam laudem, quòd cultus <sup>2. Chron: 16.</sup>  
DEI instaurandi & propagandi fuerit studiosus,  
meretur: Sed idem vituperatur, quòd morbo af-  
fectus, ad medicos tantum, non ad DEVM, ac-  
currebat. At Rex FRIDERICVS & medica-  
mentis, quantum quidem vires corporis possent  
ferre, usus est, et DEVM ardentissimè pre-  
catus, quòd etiam ab alijs fieri voluit, vt ille pec-  
cato, prima morborum & omnium erumnarum,  
quibus subiectum est genus humanum, causa, sibi  
condonato, morbum tam durum vel tolleret, vel  
mitigaret, prout ipsius paternæ voluntati & bo-  
nitati videretur. Quæ preces minimè fuerunt irri-  
tæ. Nam DEI ope atq; medicamentorum effica-  
citate eiusmodi facta morbi remissio, vt pleriq;  
omnes spem de vita ipsi longius proroganda, vt  
Ezechie & CHRISTIANO III. laudatissimis <sup>2. Reg: 20.</sup>  
Regibus euenit, conceperint. Quam spem cum ip- <sup>Esaie 38.</sup>  
se quoq; haberet, iniunxit Regina, vt illa Hatter-  
slebiū profecta, liberos, quos ibi reliquerant,  
quàm posset celerrimè secum adduceret. Quod  
per ipsam fieri voluit, vt liberi minore cum pericu-  
lo ad se traducerentur. Ingenti enim desiderio, vt

Petitio au-  
xilij Dei mor-  
bi curationi  
iuncta.

Regina Hat-  
terslebiū  
proficiscitur.



*sunt in heroicis naturis storgæ expressiores, eos  
videndi ardebat. Etsi verò illa, fluctuante adhuc  
Regis valetudine, inuita discederet, tamen ut vo-  
luntati ipsius, quemadmodum aliàs semper, morem  
gereret, inter spem & metum hærens, viæ se com-  
mittit.*

*Nihil sub  
Sole firmum, Ut nihil in humanis rebus firmum, nihil sta-  
bile, nihil diuturnum potest reperiri: Ita quoq;  
spes illa de vita in his terris longiùs proroganda,  
citò, præter expectationem euanuit. Nam aliquot*

*Exasperatur  
morbus 29.  
Martij. dies post Reginæ abitum morbus nouis auctus vi-  
ribus, tanto cum impetu recurrit, ut nulla prope-  
modum euadendi spes appareret amplius. Quod  
etsi Rex animaduertit, tamen Medicum, qui ipsi  
charus erat, interrogat, quidnam de morbi statu*

*Colloquium  
Regis, cum  
Medico, nunc sentiret. Ad quæ Medicus, nihil dissimu-  
lans, sibi præsidij parum in secundis causis reli-  
quum videri. DEVM verò, quæ est ipsius pa-  
terna bonitas & omnipotentia, in graui hoc naturæ  
& morbi conflictu, quod suæ gloriæ, Ecclesiæ &  
horum Regnorum bono & saluti cederet, factu-  
rum. Nec dubitare se Regem pium, ut in omni  
vita superiore, ita quoq; hoc tempore, quæ cum  
DEO in æternæ salutis negotio forent agenda, piè  
cogitare. Cui Rex: Senec de vita hac mortali,  
nec de vllis alijs rebus fallacibus & incertis, cu-  
iusmo-*



inſmodi ſunt huius mundi omnia, ſolicite ang:  
Vitam verò, animam & quicquid boni poſſidet,  
DEO cui debeat omnia, fidelifſimo cuſtodi & de-  
poſitario commendata, eiufq; conſtantifſimæ fidei  
commiſſa velle. Nec quicquam quod Chriſtiani ho-  
minis foret, in ſe, DEI vnus gratia ſuſtentato,  
deſideratum iri.

Paulò poſt Eccleſiaſtæ conſilium ſuum de Colloquium  
uſu cænæ Dominicæ, in quartum diem differendo, Regis cum  
ſe mutafſe aiebat. Quòd quantò plus ingraueſceret Pastore,  
morbis, eò maiori deſiderio eſcæ corporis & poti-  
onis ſanguinis CHRISTI, quibus eſuriens & ſiti-  
ens anima recreari & foueri poſſet, incenderetur.  
Paſtor itaq; voluntate Regis intellecta, ipſum de  
ſalutari ad corporis & ſanguinis Filij DEI ſum-  
ptionem præparatione, ex Paulo, deq; conſolatione, 1. Cor: 10.  
quæ pijs omnibus in Teſtamento CHRISTI pro-  
ponitur, piè monuit. In qua Catecheſi cum Hypo-  
ſtaticæ vnionis duarum naturarum in CHRI-  
STO, eiufq; beneficiorum in genus humanum men-  
tio fieret, animaduertebatur ipſius cor miranda qua-  
dam cupiditate & ardentifſimo vitæ æternæ deſi-  
derio, arq̃ere.

Tertio die, ſemotis alijs omnibus, in priuato Priuata Re-  
cum Paſtore colloquio, præclaram fidei ſuæ confeſ-  
ſionem edidit de peccato, de Gratia DEI, quæ  
inſi-  
gis confefſio  
die 3. Aprilis,



infinitis partibus omnium hominum omnes misere-  
 rias superat, deq. pollicitatione gratitudinis erga  
 DEVM, si diutius in terris ipsum superesse vel-  
 let. Cui hæc piè locuto Pastor, auctoritate sacri  
 ministerij, CHRISTI nomine, remissionem pec-  
 catorum omnium annunciat. Colloquio illo finito,  
 Magnificoq. Cancellario, nobilibus aliquot mini-  
 stris & alijs cubiculum ingressis, recitantur à Pa-  
 store fidei Christianæ capita: fiuntq. preces ab om-  
 nibus, qui aderant, pro salute Regis, eius in fide  
 perseuerantia, morbiq. in melius, prout DEO  
 placeret, commutatione, quibus addita recitatio  
 Psal. 25. & dulcissimæ promissionis CHRISTI:  
 Quicquid petieritis Patrem in nomine meo, dabit  
 vobis. Atq. eam secuta communicatio corporis &  
 sanguinis CHRISTI, & gratiarum actio pro sum-  
 mis illis beneficijs, nobis à DEO per Filium ipsius  
 præstitis: pronunciata deniq. Aaronica benedictio  
 his verbis:

Iohan: 15.

Vltus Coenæ  
Domini,

Nume: 6.

Benedicat tibi IEHOVA & custodiat te:  
 Leuare faciat IEHOVA faciem suam super  
 te, & misereatur tui:  
 Attollat IEHOVA faciem suam, & ponat  
 in te pacem.

Atq. ita Rex, abiecta rerum aliarum omni-  
 um cura, deq. ijs anxia solitudine, cælestium &  
 eter.



æternarum meditationi, coniuge dilectissima, charissimis liberis, Regnis, & subiectis, DEO fidelissimè commendatis, se totum dedit.

Post meridiem cum à leipothymia, quæ aliquoties recurrebat, ad se redisset: Sententiæ aliquot, quibus ille in meditatione beneficiorum CHRISTI detineretur, recitatae, cuiusmodi sunt: Sic DEVS dilexit mundum &c. Oves meæ vocem meam audiunt: & Ego vitam æternam do eis, nec peribunt in æternum. Ego sum via, veritas & vita. quas ille attentissimè audiuit.

Iohan: 3.

Iohan: 10.

Iohan: 14.

Sub noctis horam decimam redijt Regina difficili & periculoso itinere terra mariq; confecto, atq; mox cubiculum ingressa Regem dormientem inuenit. qui paulò post expergefactus, eam his verbis amantissimè alloquitur. Venisti ne tandem vxor mihi exoptatissima? Salui ne liberi nostri? Ad quæ illa: omnia, mi Domine Rex, salua, modò DEVS Opt. Max: te nobis saluum & incolu mem esse voluerit. Etsi autem Reginae de via & maris iactatione fessæ quiete opus fuisset: tamen noctem illam totam peruigil mariti lecto assidens, quæcunq; ab vllò homine officia proficisci possent ipsi præstitit.

Regina redit  
per nobilem  
reuocata,

Quarto die illucescente parat se Rex ad sacram concionem audiendam, cui cum ex more Psal-

H

mi



*Iohan: 3.*

*Psal. 25.  
Euthymia  
Dei donum,*

*Iohan: 14.*

*Quartana  
laboravit rex  
Anno Chri-  
sti 1576.*

mi aliquot à cantoribus & Symphoniacis pueris es-  
sent præmittendi, eosdem ille de libro suo vnà cum  
alijs concinit, atq; libro Reginae reddito, enarratio-  
nem dulcissimæ illius sententiæ, qua plurimum dele-  
ctabatur: Sic **DEVS** dilexit mundum, vt filium  
suum vnigenitum dederit, vt omnis qui credit in  
eum, non pereat, sed habeat vitam æternam: atten-  
to animo auscultauit. Qua finita, iussit se de cubi-  
culo in proximum cœnaculum deferri, in quo, post  
aliquot leipothymias, ad se reuersus, monebatur à  
concionatore cum Dauidè his verbis precandum:

Angustia cordis mei dilatarunt se: ex angustijs me-  
is educ me Domine. Ad quæ ille: Nullas cordis  
angustias sentio, viribus vero corporis sum defectus:  
atq; hæc locutus animo concidit. Quo mox collecto,  
dixit: Hæc erat grauis incurio: O, si quis eam  
superaret. Tunc Pastor: in itinere, quo nunc es,  
mi D. Rex, nemo fidelium omnium perijt. **CHRI-  
STO** enim, omnibus in eum credentibus præeunte,

hæc via strata & aperta. Quorum in numero cum  
sis, ille, qui est via, veritas & vita, rectâ in veram  
patriam te adducet, De eo, inquit Rex, nihil pror-  
sus dubito. **DEVS** mihi felicem horulam largi-  
atur. Addebatq; sibi aliquando quartana laboran-  
ti euenisse, vt, ministris omnibus absentibus, animo  
deficiens humi concideret, ita sensu omni captus, vt  
è vita



è vita excessisse videretur: Et cum auxilio DEI  
 fretus ad se redisset, hæc secum cogitasse: En mor-  
 tuus reuixisti: si mors nihil est aliud, quàm quod mo-  
 dò expertus es, facilis per eam in vitam æternam erit  
 transitus. ô si mihi in separatione illa spiritus à corpo-  
 re, quam prope abesse video, id largiatur DEVS,  
 ne aut diutius aut vehementius torquear, quàm vires  
 meæ ferre possint. Ad quæ Pastor: Mortis me-  
 tus, & quicquid eum antegreditur, morte ipsa terri-  
 bilius est. Scriptura enim mortem cum graui som-  
 no comparat. Ideoq; Paulus illi insultans exclamat: *Mors somno*  
 ubi est tuus, ô Mors, stimulus? ubi tua, ô Inferne, *similis.*  
 victoria? DEO sit gratia, qui dedit nobis victo- *Iohan: 10.*  
 riam per Dominum nostrum IESVM CHRIS- *Actor: 7.*  
 TUM. Eodem quoq; animo fuisse FRIDERI- *1. Corint: 15.*  
 CUM Regem non dubium est. Etsi enim in mortis  
 faucibus hæserit, tamen stimulum eius nullum sensit.  
 Nam in corde, à quo metus mortis abfuit, vitæ æter-  
 næ initium erat.

Hic emicuit admiranda animi Reginae mode- *Moderatio*  
 ratio, quæ etsi, quod etiam Magnifico D. Cancellario *animi Regi-*  
 Nicolao Kaas dixit, prope adesse videret horulam, *næ.*  
 qua, Rege dilectissimo ex his terris in cælum euoca-  
 to, vidua fieret, tamen ne piæ Regis meditationes  
 interPELLARENTUR, ab omni querela, planctu & eiu-  
 latu, cui tamen ab ipsius conspectu auersæ lachrymæ

H 2

vber-



ubertim genas rigarunt, abstinuit. Eiusdem moderationis & pietatis, quod subijciam, argumentum fuerit.

Iohan: 12.

Vxor Christophori Ducis Megapolitani, quæ obiit A. 1575.

Cum recitarentur CHRISTI verba illa ex Iohannis Euangelio: Amen amen dico vobis, nisi granum frumenti cadens in terram mortuum fuerit, ipsum manet solum. Si verò mortuum fuerit, multum fructum afferet. Regina, sermone ad maritum conuerso, interfata dixit: Dorothea matertera mea in agone cum morte vel præcipuam consolationem ex eo hausit, quod temporariam hanc mortem vita æterna mox excipiat: Verbaq; cantici solennis, quorum hic sensus est, aliquoties ab ea iterata & repetita dixit: Mirum duellum, quo Mors & vita lucta certarunt: Triumphans vita triumphatam mortem absorpsit, Hæc Regina. Illustri exemplo pijs matronis omnibus relicto, quod nam ipsis in similibus angustijs & tentationibus sit agendum.

Rex paulò post Medici manum pectori suo ad-mouit, vt cordis motum exploraret, extenditq; brachium, vt carpi arteriam contrectaret, cuius motum cum admodum imbecillem, quod ipsemet sensit, audisset, in hæc verba erupit: Pulsat in nomine Domini. Ego sum, DEO sit gratia, æquo animo. Scio enim, siue moriar, siue viuam, me Domini mei

IESV



*IESV CHRISTI esse. Sub quartam pomeridianam recitati sunt hi versus è Psalmo Davidis. verbis Pastore præeunte.*

Misericors & clemens IEHOVA: tardus ira  
& multus bonitate. Non perpetuum irasci  
xari solitus, nec in seculum iram asseruat. *Psal: 103.*  
Non secundum peccata nostra fecit nobis,  
neq; secundum iniquitates nostras respondit nobis.

Vt miseretur pater filiorum, miseretur IEHOVA  
timentium eum.

*Ad quæ Rex clara & forti voce. Verum est, verum est. Qua clausula ille fidei suæ confessionem in his terris sanctè finiens, in meditatione verborum Vt pater miseretur filiorum, miseretur IEHOVA timentium eum, vt & CHRISTIANVS III. pater ipsius ante annos viginti nouem, acquieuit. Atq; de varijs rebus locutus cum Regina, dixit se velle surgere. Secessit itaq; illa & alij omnes, præter Cubicularium nobilem, & paucos aliquot ministros, à quibus cum leuaretur è lecto, in leipothymiam recidit. Quo cognito confestim accurrunt Regina, Cancellarius, præses arcis, nobiles ministri, Medicus & Pastor, à quo, recitatis verbis illis: In manus tuas depono animam meam: redemisti me IEHOVA DEVS verax: & inchoante orationem Domini.*

H 3

cam



Moritur optimus Rex,  
Fridericus II.  
sesquiquinta  
hora pomeri-  
diana.

Mors pio-  
rum Augusti  
ni verbis de-  
scripta.

Plato quan-  
do Reip. im-  
pendet muta-  
tio, Deus bo-  
nos viros ex  
ca euocat,

Esaia: ss.

Ierem: la-  
mentis 3.

cam, FRIDERICVS II. confecto vitæ mortalis  
curriculo, placidè, quemadmodum sæpe optarat, absq[ue]  
omni cruciatu, aliquot ductis suspirijs, obdormiuit in  
Domino, cum vixisset annos 53. Mens: 9. dies 4.  
Anno verò Regni 29.

Hanc beatam piæ animulæ migrationem de la-  
bore ad refrigerium, de expectatione ad præmium,  
de agone ad brauium, de morte ad vitam, de fide ad  
notitiam, de peregrinatione ad patriam, gratulemur.  
Et cum mortem Magnorum Regum & salutarium  
Principum tristes confusiones & fatales pænæ, vt  
exemplis Iosue, Ezechie, Iosie, Constantini Ma-  
gni & aliorum declarari posset & experientia testis  
est, plerumq[ue] in Regnis & imperijs comitari soleant:  
nostrum fuerit in id seriò incumbere, vt, placata  
ira DEI, mala, quæ nobis ipse, vt videmus, minas-  
tur, effugiamus. Quod quam ratione fiat docent  
nos Prophetæ interpretes voluntatis DEI. Sic  
enim concionatur Esaia: Requirit IEHOVAM  
dum præstò est: inuocate eum cum est propinquus.  
Derelinquat impius viam suam, & iniquus cogita-  
tiones suas, reuertaturq[ue] ad IEHOVAM, vt mi-  
sereatur ipsius, & ad DEVM nostrum, quia pluri-  
mum condonat. Et alius inquit: Perscrutemur  
vias nostras & peruestigemus, atq[ue] reuertamur vsq[ue]  
ad IEHOVAM. Attollamus animum nostrum  
cum



cum manibus ad DEVM fortem in cœlis, dicentes :  
Nos defecimus & rebellauimus. Agnoscamus itaq̃  
peccata nostra, serioq̃ ea detestemur : confugiamus  
ad DEVM vera fide atq̃ resipiscentia, viuamusq̃  
vitam ipsi gratam : ita fiet, vt vel tollantur vel mi-  
tigentur pœnæ, quas ingentibus & atrocibus peccatis  
atq̃ sceleribus nostris, quibus DEI vindicis ius-  
tissima ira in nos prouocatur, commeriti sumus.

Atq̃ hucusq̃ de historia vitæ & mortis,  
(quantum quidem finit huius temporis angustia,) Virtutes Fri-  
derici Regis,  
laudatissimi Regis FRIDERICI II. cuius fuerunt  
excellentes virtutes, constans in DEVM pietas,  
animi celsitudo eximia, iusticiæ non fucatae amor  
pia prudentia, heroica beneficentia, clementia,  
continentia, paterna de Ecclesiæ & veræ Reli-  
gionis conseruatione sollicitudo & cura, philostor-  
gia, moderatio in secundis & aduersis rebus, hu-  
manitas & id genus aliæ : quas virtutes vt sua  
dona longè maximis præmijs ornauit DEVS  
felici cursu gubernationis, secundo coniugio, so-  
bole numerosa vereq̃ Regia, bona & diutur-  
na valetudine, authoritate longè maxima, soci-  
orum constante amicitia, subiectorum vera beneuo-  
lentia & exoptatissima ex hac vita in illam quæ verè  
vita dicenda est, abitione atq̃ migratione. De qui-  
bus quod me, vt potui, dicentem tam benigne  
audi.



audieritis, vobis, Illustrissimi Principes, Illustres  
& generosi Legati, sapientissimi Regni & Duca-  
tum Senatores, aliq̃ omnes, quotquot huic paren-  
tationi adestis, gratias ago, quantas animus meus  
maximas capere potest, & peto qua par est submissi-  
one, vt si quæ mihi in hoc publico luctu, & animi  
mei perturbatione incogitantius exciderint, ea ve-  
litis benignè accipere atq; interpretari. Quod vos  
facturos mihi de vobis polliceor.

*Prouerb: 8.* DEO æterno patri Domini IESV CHRI-  
STI, vnici Redemptoris & Seruatoris nostri,  
mundi totius Monarchæ summo, per quem Reges  
regnant, & dominatores iusta decernunt, governa-  
tionem horum Regnorum, quæ FRIDERICVS II.  
vera Religione, pace, legibus, disciplinæ neruis,  
opibus, & viris omnium virtutum laude præstanti-  
bus constituta optimè reliquit, commendamus:  
eundem votis ardentibus precamur, velit deinceps  
quoq; hæc Regna Ecclesiæ suæ hospitium esse, in quo  
doctrinæ cælestis puritas, & pia consensio de cultu  
DEI, & veræ pietatis exercitijs retineatur: Sere-  
nissimam Reginam D. SOPHIAM in hoc acerbis-  
simo luctu & mœrore consoletur: Illustrissimum  
Principem D. CHRISTIANVM III. Regem  
electum, ductu Spiritus sancti gubernet, atq; Illu-  
strissimam domum & familiam Regiam ad hono-  
rem



rem & gloriam sanctissimi nominis sui diu florentem  
conseruet: sit ipse igneus murus, quo arceantur *Zacha: s.*  
mala illa omnia, quæ Diabolus humani generis ho-  
stis infestissimus, & satellites eius, Ecclesiæ, Po-  
liticæ & æconomice intentant & machinantur astu-  
tissimè: faciatq; nos organa gratiæ & misericordiæ  
sue, à quibus ipse rectè agnoscatur, inuocetur &  
celebretur. Hoc votum nostrum exaudiat **DEVS**  
iustus, verax, beneficus, liberrimus, omnipotens &  
misericors, propter filium suum **IESVM CHRIS-  
TVM**, qui sedens ad dextram æterni patris Pon-  
tifex noster atq; Rex summus, decerpit sibi ex ali-  
qua parte humani generis Ecclesiam æternam voce  
doctrinæ cælestis, & Spiritus sancti virtute, cui  
cum patre æterno & coæterno filio sit honor, laus,  
gloria, maiestas & benedictio in om-  
nem æternitatem,  
**AMEN.**





# Augustinus de virtutibus

Christiani Magistratus lib. de Ciui:

D. 5. Cap. 24.

**B**elices eos Imperatores dicimus, si iuste imperant, si inter linguas sublimiter honorantium, & obsequia nimis humiliter salutantium non extolluntur, sed se homines esse meminerunt: si suam potestatem ad DEI cultum maximè dilatandum, maiestati eius famulam faciunt: Si DEVM timent, diligunt, colunt: Si plus amant illud Regnum, ubi non timent habere consortes: Si tardius vindicant, facile ignoscunt: Si eandem vindictam pro necessitate regenda tuendaq. Reipub. non pro saturandis inimicitiarum odijs exerunt: Si eandem veniam non ad impunitatem iniquitatis, sed ad spem correctionis indulgent: Si quod asperè coguntur plerunq. decernere, misericordia lenitate & beneficiorum largitate compensant: Si luxuria tantò eis est castigatior quantò posset esse liberior: Si malunt cupiditatibus prauis, quam quibuslibet gentibus imperare. Et si hac omnia faciunt, non propter ardorem inanis gloriæ, sed propter charitatem felicitatis æternæ: Si pro suis peccatis, humilitatis, & miserationis, & orationis sacrificium DEO suo vero immolare non negligunt. Tales Christianos Imperatores dicimus esse felices: interim spe, postea re ipsa futuros, cum id quod expectamus aduenierit.





EPICEDIA,  
EPITAPHIA, THRENI,  
& VOTA, AB ALIQVOT BONIS &  
DOCTIS VIRIS, QVORVM GRATIS ANI-  
MIS MEMORIA BENEFICIORVM ET MERITORVM  
eiusdem FRIDERICI Regis in Ecclesiam, in Rem-  
pub. in exteros, in suos, atq; adeo in vniuersos scho-  
lastici ordinis homines, infixa est, obseruantiae,  
& gratitudinis erga Regem optimum  
testificandae causa scri-  
pta.



I 2

EPL







EPICEDIVM  
MERITIS ET MEMORIÆ SERE-  
NISSIMI REGIS D. FRIDERICI  
II. & C. A NICOLAO THEOPHILO  
DICATVM ET CONSECTA-  
TVM.



*I* Cælum patria est, ut est, eorum  
Quos mundo pietas amorq; recti,  
Et firma in dominum fides tonantem.  
Et virtutis honos & ardor æqui,  
Et mens candida fraudis omnis expers,  
Et pacis studium vigil togatæ,  
Et commendat honesta fama morum,  
Verè sideream petiuit aulam  
Et sedes adiit beatiorum,  
Danorum FRIDERICVS hic secundus,  
Qui Regum fuit haud Secundus ulli  
Fide, iustitia, benignitate,  
Et rebus quoq; fortiter patratis  
Belli tempore pacis & quietæ:  
Qui veræ pietatis atq; honesti  
Exemplar fuit omnibus colendum  
Regis filius optimi parentis,  
Qui felix tenuit paterna sceptræ,  
Sub quo Dania floruit beata  
Per multas, pietatis aula, menses,



Et pacis domus artiumq; sedes,  
Solæ quæ faciunt beatiores  
Mortales & humo leuant ad astra.  
Ergò flere tuum patrem, maritum,  
Et Regem lacrymis sequi profusis  
Proles Regia, Regis atq; coniux,  
Et regni procures, sacer Senatus,  
Et plebs, desine: quem locauit ipse  
Et vitæ & necis arbiter supremo,  
Qui stellis micat aureis, Olympo,  
Reges inter ubi sedet verendos,  
Iosiam Ezechiamq; Iosaphatq;  
Maioresq; suos, auum, patremq;  
Et præsens oculis videt tonantem  
Autorem pelagi soli poliq;  
Et Regem dominantium tremendum.  
Illustres animæ polo receptæ  
Gaudete ætheris incolæ beatj:  
Vos ô vera manent perennis aulæ  
Et quæ gaudia nulla secla tollent.  
Nos curæ interea premunt dolorq;  
Et vexant mala morte tristiora  
Bellum, dira fames, & ægra pestis.  
Sed tu quem metuunt siticulosa  
Styx & perpetua cauerna noctis  
Et Mors tristis Eryniesq; diræ

Qui



Qui vitæ dator vnus es beatæ,  
Impendentia diluas pericla,  
Et præsentia lenias, rogamus.  
Nunc longum FRIDERICE salue aueq̃:  
Verè parta tibi est beata sedes,  
Et cœlum patria est, aue valeq̃.

EPITAPHIUM EIVSDEM  
*codem Authore.*

**H**Oc tumulo placida sublatuſ morte quieſcit  
Qui tenuit boreæ Rex duo Regna plagæ:  
Quem fortis ſtupuit Cimber, quem Danica pubes,  
Et coluit ſtudijs Norica terra ſuis:  
Quem metuit magnuſ qui circuit omnia Nereuſ,  
Dum natat in medijs irrequietuſ aquis:  
Quem tremuit tumido cum Trauo corniger Albiſ,  
Et qui vicinuſ Eidora lambit agroſ:  
Qui domuit dextra bellaceſ vindice Marſoſ,  
Subdidit & ſceptriſ effera corda ſuiſ:  
Qui docto rigiduſ moderatuſ Apolline Martem  
Præbuit Aonijs hōſpita tecta Deis:  
Qui Chriſtum & Chriſti complexuſ amore miniſtroſ,  
Templa Scholaſq̃ ſua inuit amicuſ ope.  
Qui iuſtuſ cunctiſ nullo diſcrimine dixit  
Quiq̃ fuit paciſ, bella perſuſ, amant:  
Ment cœlo capitur, volat inculpata per orbem  
Fama per Eoaſ occiduſq̃ plagas.

*Alind*



ALIVD.

INuida dum tristi te mergunt fata sepulchro,  
 Occulit & terræ te Libitina sinu:  
 Inclyta semidæum FRIDERICE propago parentum,  
 Danica qui iusta sceptrâ tulere manu:  
 Adstant ad tumulum Mars, Mors & candida virgo,  
 Quæ docet ad cæli culmina qua sit iter.  
 Mars, meus est, inquit: Mors, falleris, est meus, inquit:  
 Saucius en telis concidit ille meis.  
 His Pietas contra: quid vos contenditis, inquit,  
 Non vester, meus est, cedite, Rex meus est:  
 Hunc ego cum superis mensæ dignabor honore:  
 Dixit: & æthereas inuolat umbra plagas.  
 Felix qui terris cælum sublime relictis  
 Sic petit & moritur, talibus exequijs:

ALIVD.

QVi populos, septem, vicinaq, Regna trionj  
 Protexit & per annos rexit ter decem:  
 Danorum decus & FRIDERICVS gloria Regum  
 \*ΕΥΕΓΥΕΤΗΑ ΠΡΟΪΟΙΣΤ ΚΑΙ ΜΕΓΑΑ ΦΙΛΟΑ  
 Hic iacet: at pietas & virtus cætera dicent,  
 Et his tacentibus loquentur posteri.

Alind.



ETEOSTICHON.

PVBLICa tristitia est: ò LVge DanlCa pVbes:  
FLOS terræ PrlnCeps ReX FreDerlCVs oblt.

ALIVD.

ReX oblt pLaClDè qVI DanlCa sCeptra foVebat:  
LVgeat orba sVls patria CLara bonls.

ALIVD CONTINENS ANNVM

Mensem & diem obitus.

AprlLls qVarto soL trlsts In æthere LVget  
CVr? CaDlt arCtoo ReX FrlDerlCVs agro:

Epitaph:

QVI veteres rexit fortissima pectora Cimbros,  
Et leges Danis iurâq; sancta dedit:  
Ultima quem summum Thyle est venerata Monarcham,  
Et Regem agnouit Noridos ora suum:  
Qui patrium nocuis defendit ab hostibus orbem,  
Et bello Marfos contudit acre genus:  
Qui virtutis amans & servantissimus æqui  
In sancta coluit simplicitate Deum:  
Qui pacis custos fuit, & qui templa scholasq;  
Fouit inexhausto munere largus opum:  
Hoc situs est tumulo FRIDERICVS gloria stirpis  
Oldenburgiæ, Regibus ortus auis:  
Corpus habet tellus, cælesti sede triumphat  
Spiritus, & nullo gaudia fine capit.

K

Votum



VOTVM PRO CHRISTIANO III.  
ELECTO DANIE ET NORVE:  
REG: &c.

**D**um FRIDERICE cadis morbo Rex fractus acuto  
Extinctum luget cum pietate Themis:  
Has vitam coluit quia mens tua sancta per omnem,  
Iure tuum fundunt ad tumulum lacrymas.

Iustitia & pietas sunt vincla adamantina regni:  
Quæ si perrumpas cuncta tyrannis habet.

Impietas superos, homines iniuria ledit,  
Vtraq; tartareos digna subire lacus.

Qui donas regnis Reges Rex maxime Regum,  
Hosq; iubet socios nominis esse tui:

Da crescat natus similis virtute parenti,  
In quo Cimbrorum spesq; salusq; sita est:

Impleat ut sancti mensuram nominis, & quem  
Voce refert, factis exprimat ipse suis.

Sic cum iustitia pietas tentoria figet  
Quà latè hanc terram Nereus ambit aquis:

Et bona cuncta dabit ceu pleno copia cornu  
Pace domi felix, Dania, Marte foris.

Hæc ego quæ toto suspiria pectore fundo,  
Fac rata sint nutu CHRISTE benigne tuo.



AD.



AD DANIAM.

**D**ania te rapidi cingant licet vndiq̃ fluctus,  
Terraq̃ sis spacio clausa nec ampla breuij:  
Nec tua ramoso se tollant rura metallo:  
Es tamen innumeris cœlitus aucta bonis.

Hospitium veræ tu præbes religioni

Et CHRISTVM tecto non renuente capis:

Artibus & doctis semper tua porta patefcit,

Et domus es Clarij non inamæna Deis.

Pax ambit muros, niueis concordia pennis

Custodit portas, Marte silente, tuas.

His ornata bonis præluces omnibus oris,

Quas videt Arctoo celsus in orbe polus.

Sis felix multos & salua maneto per annos,

Obruat atq̃ tuum nulla procella caput:

Vtq̃ facis, CHRISTVM pura prece cordis honora,

Cedat in illius quod facis omne decus:

Flaua Ceres largis ditabit messibus agros,

Et multo pontus pisce beatus erit:

In medijs lætæ salient Nereides vndis,

Et curuis placidum nauibus æquor erit.

Succedentq̃ tuo feliciter omnia voto,

Sive petenda salo, siue petenda solo.

NICOL: TH: D. & Profef:

A. H.

K<sub>2</sub>

ELE.



ELEGIA DE MORTE FRIDERICI II.  
CLEMENTISSIMI NOSTRI REGIS, AD  
LUGENTEM DANIAM.

**R**ursus, eheu, lachrymosa dies tibi Dania venit  
Funera lugendi Regis acerba tui:  
Regis, iusticiæ qui te moderatus habenis  
In placida studuit pace fouere diu:  
Te, maestam tanquam viduam, nunc morte reliquit  
Ille graui, cessans exhilarare tuos.  
Propterea meritò fluidis tibi lumina guttis  
Assidue, luctu cor stimulante, madent.  
An non cuiusvis etiam de funere Regis  
Haud vano populum fama dolore quatit?  
Nam Rex, ut sapiens caput, in rudis agmine plebis  
Dum superest, amplo solus honore nitet:  
Solutus est oculus quasi, protectorq; suorum,  
Et seruat, pulsus, hos, ut ouile, lupis.  
Quippe, inconspicua, velut ex caligine, dextra  
Quæ Deus in cunctis gentibus vnus agit,  
Illa palàm florente sua Rex visus in ora  
Pro populi fermè cuncta salute facit.  
Dum leges, rudium ceu doctor, figit honestas  
Omnibus ex æquo ciuibus, atq; bono:  
Dum transgressores fixæ quoq; legis, in almæ  
Fida iusticiæ lance dolere iubet.  
Et punit fontes, neq; fæda piacula cuiquam  
Impunita sua lentus in vrbe sinit

At



At contra iusto cuius, fidoq̃ suarum  
Custodi legum præmia digna parat:  
Et pronè tales extollit honoribus altis,  
Deq̃ suo, ditat fœnore munificus.  
Totum autem tumido populum defendit ab hoste,  
Siue intus latet hic, siue aliunde venit:  
Cælitus & misso reprimat mucrone feroces,  
Ne quem de tenui ledere plebe queant.  
Quiq̃ parant ciues bello oppugnare quietos,  
Hostibus opponit fortiter arma sua:  
Pax ut in attritum redeat mox aurea Regnum  
Et secum afflictis omnia dona ferat.  
Sic Rex, in quavis, moderatus, amabile, gente  
Soliis est munus, pulchraq̃ imago Dej,  
Qui miseris optanda, loco, mortalibus, eius  
Commoda suppeditat, damnaq̃ multa leuat.  
Hinc, ubi mors truculenta rapit peccantibus illum  
A populis, an non iure dolere queunt?  
Præcipuè viuens animum quando ille paternum  
In sibi commissum gessit ubiq̃ gregem?  
De nostro veluti testari possumus omnes  
Rege, quibus rectè cognitus ille fuit:  
Quòd magis vsq̃ ferè suscepto debita Regno,  
Quam sibi priuatim commoda quæsierit.  
Syncerum hunc animum FRIDERICO tota secundo,  
Dum fuit in viuis, vita stetit, probat.

K3

Illius



*Illius & studium perquam laudabile monstrant  
Omnia, multiplici quæ dedit, acta, modo. /  
Noscere si libet hoc, percurrere singula fas est:  
At caput in primis inspicere quæso rei.  
Perpetuam, constat, quanta reperire salutem  
Institerit cura ciuibus ille suis,  
Quàmq̃ laborarit, parcens haud sumptibus ullis,  
Noticia quisquam ne foret absq̃ DEI,  
Neue suas pura sine relligione per oras  
Viueret, & verbi luce careret homo.  
Propterea in nulla pastores vrbe fideles,  
In nullo voluit rure deesse quoq̃:  
Sed cunctis resonare locis documenta salutis,  
Et sancta audiri nomina CHRISTE tua.  
Pluribus hac auxit stipendia mente ministris,  
Et cauit, prece ne foret ullus egens,  
Vtpote, paupertas quemquam ne dura fugaret,  
Cum damno populi, de statione sua.  
Quomodo sublatum sibi talem haud plangere Regem,  
Si cui Relligio sacra probatur, amet?  
Cursum Euangelij qui non modò mente quieta  
Pertulit, & fugit bella mouere DEO,  
Quod plerunq̃, patet Reges fecisse potentes,  
Quos dominus iusta punijt ipse manu.  
Sed magis à studio planè hic alienus iniquo  
Promotare vias institit vsq̃ DEI.*

*Nilq̃*



Nilq̃ prius voluit, latè quam spargier illa,  
Quæ potuit, quòd sint, dogmata, scire, pia.  
Venturo hinc etiã salua vt persisteret æuo  
Religio, cuius vixit amore flagrans,  
Et teneræ duxit rationem ætatis habendam,  
Artibus institui posset vt illa bonis.  
Vnde scholis animo passim pietatis amante  
Fundatis vltro largior auxit opes:  
Vt simul absq̃ mora discentes, atq̃ docentes,  
Quisq̃ sua, adiuti, munera perficerent.  
Inprimis illum patronum Academia sensit  
Inclyta, quæ muro est Hafnia cinctâ tuo.  
Quando benignus ei Rex, & laudabilis heros  
Non modo firmavit iura, statuta, bona,  
Sed simul, exiles iam quando, per aspera, factas  
Esse professorum, tempora, vidit opes,  
Non tulit eximius princeps, at protinus altis  
Consensit studijs demere triste malum.  
Vltroq̃ mox, toto Regni astipulante senatu,  
Denuo largiri multa paratus erat:  
Multaq̃ largitus, præter data tempore prisco,  
Sudoris tandem præmia digna, fuit,  
Aëreas sylvas, cumq̃ omnibus ampla colonis  
Arua, & gramineis prata decora toris.  
Hæc animo Rex munifico dedit omnia musis,  
Iugiter vt Regno salua Lycæa forent.

Hinc



Hinc auditores quoq, ne sine fruge doceret  
 In vacua quisquam dogmata grata schola,  
 Commotus mira voluit pietate iuuare,  
 Paupertatis eos ne refugaret onus:  
 Adiectisq, bonis iam pluribus, vt studiosi  
 Fortunæ tenuis perfruerentur ijs,  
 Illorum centum, quibus aduersatur egestas,  
 (Dum simul, ingenium non sterile esse, liquet)  
 Nutrit, & singlis collegia celsa diebus,  
 Consortes mensæ, fecit adire, suæ.  
 Tantum illi studium, tam seria cura iuuandi  
 Semper erat sacrum religionis opus.  
 Nec minor eius erat laus in ciuilibus actis  
 (Quæ proprium Regum munus habenda putes)  
 Certè ne repetam, quosuis vt largus egenos  
 Hospitijs pariter iuuit, & ære dato,  
 Semper ei, quosuis Regni persistere saluos,  
 Et florere status, regia cura fuit.  
 Vtq, ab eo summos meritò percepit honores  
 Incluta nobilitas, donaq, prima tulit,  
 Sic etiam ciues, tenues simul, atq, opulentos  
 Noluit à quoquam tristia damna pati.  
 Nec minus abiecti querimonia sæpe colonj  
 Mouit eum, misero ferret vt æquus opem.  
 Quippe minister erat sanctæ, cultorq, seuerus  
 Iusticiæ, nec vis dura placebat ej.

Vinere



*Viuerē tranquillā cunctos in pace volebat:  
Iusticia natæ pacis amator erat.  
Pacem illi placuit seruare domiq; forisq;  
Dum per vicinos non violata foret.  
Hanc facile idcirco Ditmarsia victa recepit,  
Et sita vicinis oppida quæq; locis.  
Hinc sub eo letam duxisti Dania vitam,  
Et licuit grata psallere mente DEVM.  
Hinc & vbi dura te nunc, heu, morte reliquit,  
Mutatæ sortis vulnera iure doles.  
Iure dolent etiam tecum pietatis amantes,  
Quoscunq; in placida viuere pace iuuat.  
Sed, quoniam immissam nobis à numine sortem  
Nunc mutare suo nemo dolore potest,  
Lumina consilio meliore leuemus in altum  
Ad Regem Regum, qui sine morte manet:  
Qui Reges donat populis, & qui, sine Rege,  
Fortior ipse, suis, Rex quoq; adesse potest.  
Hunc, age, mutata, places tibi, Dania, vita,  
Iam tandem & veræ sis pietatis amans.  
Noxius à prauo discedat pectore fucus:  
Luge animi cernens hucera cæca tui.  
Sic Rex æthereus te non modò ab omnibus illis  
Proteget, hoc æuo quæ metuenda, malis,  
At simul indutam cælesti luce beabit,  
Et dabit, æternis vt recreere bonis.*

L

Denig



Deniq' te nullo pauidam discrimine linquet,  
Cum Dominum vero corde sequere tuum.  
Tunc etiam Regis Gnatum, cui sceptrum parata,  
Cum vera faciet crescere laude tibi.  
Quod cupido quoq; nos, ut fiat, corde rogamus  
Te DEVS, à solo quo bona cuncta fluunt.  
Tu tenera illius sancto rege pectora flatu,  
Crescat ut in patria gaudia vera sua.

FINIS.

M. Iohannes Salscerides, Profess:  
Academia Haf: facie-  
bat.





AD TVMVLVM SERENISSIMI

REGIS DANIAE &c. FRIDERI

CI II.



Occidit heu Patriæ, nobis Pater. Occidit ingens  
Flos veterum, Lumen, Gemmaq. rara Ducum.  
Occidit abreptus Rex festinantibus Orbi  
FRIDERICVS fatis. occidit ante diem.

Heu pietas, heu sancta fides. Sic magne iacebis  
O Rex, ô meritis vsq. canende tuis?

Sicne iaces ô Rex: nec in hæc vel tempora restas?

Amplius vt posses nunc stabilire Domum?

At tu dignus eras Rex illustrissime vita:

Dignus ab hinc sera qui morerere die.

Posceret id virtus, diuina in pectore flamma:

Sincerus poscat vel pietatis amor.

Id bonitas, id vera fides, id conscia recti

Mens, animus celsus, factaq. clara petant.

Ista alij illustrent, & pleno carmine tollant:

Me pietas Elegos pressa dolore docet.

Marte Togaq. potens tu Rex, & strenuus Heros

Pellere vim ferro, Pace fouere viros.

Dicier at Princeps & pacis Cultor amica

Malueras, Pacis nomen & omen habens.

Marte igitur pulso, quòd bellis maxima scires

Damna subesse feris, pacis amator eras.



Tu pacti seruans, & seruantissimus æqui:  
Nec te aliam quisquam vidit inire viam.

Tu Musas dulces Nutritor charus amabas,  
Eximium Regnis has decus esse putans.  
Doctorum, benè largus opum, tu tempora Lauro  
Cingebas, vario munere sæpè beans.  
Sic colere ingenuas artes, & debita honori  
Præmia Thespiadum reddere, cura fuit.  
Per loca multa Scholæ, multi id testantur alumni:  
Testatur quisquis nomen ab arte tulit.

Tu commenta vagæ detestans Relligionis,  
Constantis fidei tutor & auctor eras.  
Nullus te abduxit, nec recto tramite mouit:  
Tentatæ hîc variæ nil potuere vices.  
Iussero, ais, nostris pia sit Concordia Mystis,  
Qui instillant genti dogmata sacra meæ:  
Sitq; procul mater miseræ Discordia cladis.  
Quid Regnis veniat nunc Eris acta meis?

Tu velut Augustus turbis & Marte fugato,  
Ipse suos pacis pace beavit amans:  
Tristia sic arces quæ passim bella mouentur,  
Tristia Doctorum bella referta minis.  
Vsq; vetas faciant castæ conuicia Musæ.  
Musas discordes non finis esse tuas.

Noxia



Noxia scripta vetas: Doctorem iurgia non fers:  
Dentatas prohibes cautior vsq; schedas.

Nil tibi cum libris, qui non fœlicibus omnes  
Auspicijs volitant. Nil iuuat esse novos.

Hinc tua mota fuit nullis Ecclesia turbis.

Consilio hoc semper tuta quiete fuit.

Hinc pace exultat, prædulciaq; ocia captat  
Phœbus, & hinc Phœbi libera turba salit.

Ad summam, fulges virtutibus inclyte Princeps,  
Hesperus vt stellas eminet ante alias.

Facta piæ fidei verum testantur amorem:

Pro Grege susceptum facta loquuntur onus.

Terris Lumen eras, Regnis tutamen, in ipsum  
Translatus cœlum nunc quoq; Lumen eris.

Te superesse diu, seramq; videre dedissent

Fata vtinam lucem, fata dolenda nimis:

Quàm fortunatos vidisset Dania ciues,

Quondam piscoso Dania cincta mari.

Ast aliter Domino visum est: aliter quia factis  
Iam nimium multi commeruere suis.

Ergo iaces ô Rex quem non virtutis egentem

Vidimus? Ab Regem mors properata tulit.

Hei mihi tu Columen, tu quantum perdis Asylum,

Dum Regem perdis Dania clara pium.



*Sic commissa luis populi peccantis. Ad iram  
Concitus, his pœnis vindicat acta DEVS.  
Nam malefacta manu compensat vindice iustus.  
Fato ni credas experiere tuo.  
Luge igitur multum raptō super ornamento:  
Amissum luge Dania præsidium.  
Dania te lachrymis Arctoag, terra fatiga:  
Dissita post reliquos ultima Thule geme.  
Dania te gemitu, funebri & pollue luctu:  
Conquerere extinctum Dania mœsta Patrem.  
Funereum medias questum geminato per vrbes:  
Carmen & in quauis fundito triste domo.  
Iungito funesta viduatas veste Cateruas:  
Pro nitido cultu pulla lacerna tegat.  
Multa metu planctusq; labent. Est causa dolendi  
Tristior hîc tanto, quanto inopina magis.*

*Vos etiam Musæ vos planctum explete sorores:  
Edite lugubres Numina mœsta sonos.  
Officio Cineres merito decorate supremos:  
Ornate ô votis Regia busta pijs.*

*Dicite*



Dicite: FRIDERICI nulla terrestribus vllis  
Re concedentis, molliter ossa cubent.  
FRIDERICI viuat pietas, & munera largæ  
Grata manus, & amor pacis, amor populi.  
FRIDERICI virtus perduret inobruta virtus.  
FRIDERICVS regnis ceu pater vsq; suis.  
Non vt rupta breuis citò sunt rata stamina vitæ,  
Famæ sic abeant nomina clara piæ.  
Fama perennis eat FRIDRICI & gloria. Grati  
FRIDERICVM factis, carmine, voce colant.

### PRECES VOTIVÆ.

*At tu summe Pater rerum cui summa potestas  
In mea postremum vota benignus ades.  
In te certa salus, in te inclinata recumbit  
Vnica spes, cætus tu miserere tui.*

*Da Pater arceri Regnis & bella cruenta,  
Et quæ bellorum semina certa forent.  
Da crescat Proles FRIDRICI, Regia proles,  
Crescat quem magnum mittis in imperium.  
Regie cresce puer, mæstæ pia cura Parentis,  
Et Procerum & Populi sollicitudo tui.  
Maeste animo Princeps, animi te viuida virtus  
Intus agens factis luceat ipsa suis.  
Maeste animo Princeps, gratum Patris incrementum,  
Cresce fauore DEI, cresce fauore hominum.*

*Crescas*



*Crescas Flos Christi, sancta cresce indole Christi:*

*Vtq; refers Christum nomine Mente refer.*

*Regie cresce puer, magni custodia regni*

*Blandis cui cessit maxima ab auspicijs,*

*Hæc Deus ô seros maneat spes certa nepotes:*

*Et tuus in populum cuncta secundet amor.*

*M. Petrus Haggæus. Profess:*

*A. H.*





MEMORIA ET ME-  
RITIS.  
SERENISSIMI ET OPTIMI PRIN-  
CIPIS DIVI FRIDERICI II. DANO-  
RUM REGIS CANTATA.

**E**rgò fatiscientem tota compagine mundum  
Nos solos petere, atq; immani mole ruinas  
In nostrum torquere caput rear? ergò malorum  
Turbine, quīs simul & tellus & pontus & æther  
Æstuat, ante diem miseri inuoluemur? an illas  
Dij rerum facies tam diras forte, facesq;  
Insolitas ideò mortalibus ostentarunt?

Certè ego jam septem, quos est penes abdita rerum  
Fata mouere, Deos, cæli qui nuper in vnam  
Conuenere domum, magnæ primordia cladis  
Hæc statuisse puto: quando tibi Dania Regem  
Præripuere tuum, quo non præstantior alter  
Purpureos inter toto fuit orbe monarchas:  
Tam crebris atq; infaustis nos vsq; fatigant  
Prodigijs, præbentq; nouis ostenta figuris.

Nam quid ego memorem sacras, Iouis ignibus, ades  
Hic vbi Danorum solio nitet Hafnia Regum,  
Cælitus, idq; ipso brumæ sub frigore, tactas?  
Quid memorem totis conspectos noctibus ignes,  
Flammarumq; globos cælo cecidisse sereno,  
Et flammis falsò visas innoluier vrbes?

M

Vidi.



*Vidimus instructas volitare per æthera turmas,  
Collisq; sonum liquidò percepimus armis.*

*Et Phœbum nitidos fœdatum sanguine vultus  
Vidimus, atq; atro tinctam liuore Dianam.*

*Nuper & insolitis Heclam flagrasse caminis,  
Et totas liquidum jactasse per aëra rupes,  
Horrendumq; imo, fama est, mugisse barathro.  
Tum maria insueto tumuerunt gurgite, & imis  
Stagna refusa vadis, positas transcendere metas  
Ausâ fuere, nefas, nullis tamen excita ventis.*

*Scilicet & maria & terræ cœlumq; profundum  
Commiserata tuam, pulcherrima Dania, sortem  
Ingemuere, hujus funestæ præscia lucis,  
Qua tuus ille pater cecidit, tua vita, tuumq;  
Delicium, decus & columen, tua gloria, quo nil  
Rebus in humanis melius nil majus habebas.*

*Heu funesta dies, quam denso fœta malorum  
Agmine, quam miseros subito super ingruit, & quam  
Non expectata descendit ab æthere sorte.*

*Siccine jam partæ custos fidissime pacis,  
Pacis quæ tibi tam fausto dedit omine nomen,  
Occidis? aduersis caput insuperabile, tène  
Febris anihela suo potuit superare veneno?  
Nonne Seuerinus medica clarissimus arte,  
Qui videt alma suo quidquid Natura recessu  
Occulit, Ille renascentis spes altera lucis,  
Nonne salutares dextrè tibi miscuit herbas?*

*Bal.*



Balsamâq, Ambrosiamq, & odoriferam Panaceam?

Miscuit ille quidem sed nulla, sedulus, arte,  
Nulla ope collapsam potuit reparare salutem.

Non etiam Regina, pios Alcestidis ignes  
Experta immites potuit lenire sorores,  
Quamuis sæpe sua optarit te morte redemptum.  
Non tua siue pio remorari funera planctu,  
Siue tui desiderio potuere clientes.

Sed neq, conceptis, quæ te pia patria, votis  
Incoluem sibi, sæpe Deum obtestata, poposcit  
Fatorum potuit duras infringere leges.

Heu miseros: heu me miserum: Nil compita luctu,  
Nil totas implere istis vlulatibus vrbes,  
Nil iuuat. O vtinam Admeti te fata manerent,  
Dispeream miserè, si non extrema subire  
Pro te fata velim: quid enim respublica damni  
Me caperet pereunte? equidem reor omnia eodem  
Permansura statu: paucis lugendus amicis,  
Et posito strepitu, tenui mandarer arenæ.  
Sed parca immites & inexorabile fatum  
Non vnum prostrauit humi, non mille, sed vrbes  
Totas atq, adeo duo florentissima Regna.  
Subjecit pedibus, quando hoc de Rege triumphat.  
Occidimus simul ab miseri, quando illa salutis  
Spes cecidit, nobis etiam perijsse fatendum  
Plusquàm dimidium nostri: cor ille caputq,  
Augustum fuit Arctõe dum viueret oræ.

Non



Non rex ille quidem sed, mirum, regibus ipsis  
Numinis instar erat, Tam Majestate verendus  
Tam virtute illustris erat, tam robore mentis  
Inuictus, tam consilio sapiente bonoq;  
Promptus, & aureolæ tam præstans munere linguae,  
Vt meritò lapsum fateamur sidus Olympo  
In nostras venisse oras, quod numine pectus  
Cælesti penitus diâq; expleuerit aura.

Sed frustra FRIDERICE tuas, ter maxime laudes  
Prosequor inuita, & contrà luctante Minerva.  
Nam quid ego, cui nulla fuit nisi turbida riuo  
Vena perexiguo, stagnantibus excita lymphis,  
Vt vix Oceanum Sophiæ ingrediat, at ipso  
Deficit in cursu tellure absorpta, Quid inquam  
Nomen ego, laudesq; tuas, rex magne, minutis  
Ignibus illustrare velim? cum fama per orbem  
Iam tua, jamq; adeò dudum volet inclyta magnum.  
Non si carminibus diuinum æquare Maronem  
Quis posset, FRIDERICE tuis par laudibus esset  
Dicendis: Sat erit nobis, si manibus istam  
Diue tuis urnam lachrymarum ritè sacremus.

At verò te magne Heros, ô debite cælis  
Indiges, exemptum terris quis fleret? at isto  
Tempore te regnis quis non defleret ademptum?  
Quin te certa manet requies, sanctissime, campis  
Elysjs, ibi namq; Deos & amæna piorum

Conci.



Concilia æternũ colis, & te nescia fati  
Vita habet Ambrosio semper saturanda liquore.  
Sed nos intereã lethea vescimur aura,  
Atq; ipsam totis impressam sensibus ægri  
Circumgestamus mortem: Nil tædia præter  
Nil præter duros hæc mortua vita labores  
Suppeditat: furie immanes, & dira libido,  
Et nox alta tenent jam terras sceptræ per omnes.  
Hinc ea colluies, atq; horum Læna malorum  
Quis miseri miserè torquemur, semina traxit.  
Tu tamen hisce malis, ò Rex inuicte fuisses  
Auerruncator, sortem si fata beatam  
Non inuidissent nostris sæuissima terris.

Iam sibi relligio, jamq; & pax aurea, & ipse  
Pierides metuunt, & pulla veste dolorom  
Testantur, sacræq; assistunt jugiter urnæ,  
Seq; inter tenui ingeminant has murmure voces,  
Ioua DEVS, quid te miseras pater optime tantis  
Et tam continuis iuuat exercere periclis?  
Ergo Lycaoniam extorres migrare sub arcton  
Insisti pater, vt subitò nos sedibus istis  
Exigeres? quid enim salui sperabimus otî,  
Vel pacis, sanctum quando hoc caput occidit? & quæ  
Deseßis dabitur requies? quæ meta laborum?  
Talibus illæ equidem lūgent sua damna querelis,  
Bustaq; perpetuo lachrymarum flumine tingunt.

M 3

Quis



Quis dabit hisce etiam lachrymarum flumen ocellis?  
Quis dabit vt te Dine fleam FRIDERICE? quis inquam  
Mî dabit vt possim lachrymis explere dolorem?  
Totus vt in lachrymas soluar, vel deniq; totus  
Fons fiam, laticesq; mihi det Terra perennes,  
Haud mihi, credo, satisfaciam tua funera flendo,  
Vel potius lamentando mea damna, mæaę  
Felicitis quondam patriæ, miserabile fatum.  
Saltem cûm meminisse tui FRIDERICE, tuiq;  
Dania, & Aönides vestri datur, vsq; subortis  
Immorer immoriarq; nouis singultibus æger.  
Tu quoq; tu magnis Patria exercenda procellis,  
Tolle nouos, tolle ingentes ad sidera planctus,  
Fac densas penetrent nubes, atq; æthera magnum,  
Donec placatas Iouæ illabantur in aures.

Sed finem lachrymis faciam: Tu Ioua catenam  
Solutio, quam nostris connectunt fata periclis:  
Soluere nam solus, soloq; adamantina nutu  
Vincla potes, mundi q; ratas infringere leges.  
An tibi pænarum satis exsoluisse videmur  
Sancte Deus, nî Danorum radicitus omnem  
Extirpes, etiam deleta nomine, gentem.  
Ab tibi si viduata viro vel fœmina curæ est,  
Si pupillorum pater asseruisse salutem  
Vindicijs dignare tuis, tibi Dania curæ  
Ioua fiet, viduata suo iam mæsta marito:

Nos



Nos etiam viduæ mæstissima pignora matris  
 Nos adeo totos, & rerum quidquid vbiq; est  
 Nostrarum, tibi tutori iam dedimus vñj:  
 Tu regem puerum studio tueare paterno,  
 Vt tandem virtute sua maturus & annis  
 Sceptra manu patrij capiat sibi debita Regnj,  
 Tum verò regni procures, sanctumq; Senatum,  
 Sancte pater, tua defendat Sapientia, & ipsi  
 Inspiret verum veræ pietatis amorem.  
 Vnanimis pati studeant, at seditioni  
 Et bello bellum indicant, & publica regnj  
 Priuatis nolint postponere commoda rebus,  
 Te duce sic tandem diuturna pace fruemur.

*Regi laudatissimo & optimo Frid: II. de se optimè merito  
 lachrymans fundebat Ionas Iacobus Pastor Haf:  
 ad D. Spiritum.*

*Errata sic corrigenda.*

Pag: 1. versa pro Querite, lege Quærite. Pag: B. 4. versa,  
 v: 18. pro quidem legendum profecto. Pag: D. 1. v: 14. vsq;  
 addendum, ad. Pag: D. 2. v: 3. pro cuius lege quarum.  
 Pag: D. 3. in margine pro coniugia lege coniugium. Pag:  
 D. 4. v: 1. quod tamen, addendum, fit. Pag: G. 2. v: 16.  
 more, addendum, institutoq; G. 3. v: 2. cum addendum vt.

HAFNIÆ,  
 Impressit Laurentius Be-  
 nedictus.

Cum Gratia & Priuilegio Serenissi-  
 mæ Regiæ Maiesta-  
 tis.



